

თავისუფალი საქართველო

№ 15, 15 იანვარი, 1922 წელი


ამ ნომერში 24 გვერდია.

კვლევი და ახალი წალი.

კარგი ნიშნებით დაიწყო ქართველ ხალხისათვის 1921 წელი. 27 იანვარს საქართველო ცნობილ იქნა ევროპის მიერ საერთაშორისო ოჯახის სრულუფლებიან წევრათა ამაზე კიდევ უფრო ადრე, 1920 წლის 7 მაისს მისი დამოუკიდებლობა და სახელმწიფოებრივი სუვერენობა იქნა საბჭოთა რუსეთის მთავრობამ ამით თითქმის განხორციელდა ქართველი ერის ერთსულოვანი მისწრაფება დამოუკიდებლობისადმი; ამიერიდან თითქმის მას გზა გაეხსნა მშვიდობიანი კულტურული ცხოვრებისა, მუშაობისა და შემოქმედების საკუთარ სახელმწიფოებრივ ფორმაში. მაგრამ არ გასულა სულ რამოდენიმე კვირა მისი იურიდიულად ცნობის შემდეგ, რომ საბჭოთა რუსეთი მოღალატურათ, პირდაპირ მჭურდულათ, სხვისი სახელით თავს დაესხა მრავალრიცხოვანი ურდოებით ახლად აღორძინებულ პატარა რესპუბლიკას და ერთი თვის უსწორო ბრძოლის შემდეგ იგი დაიპყრა. წითელმა იმპერიალისტებმა რევოლუციის სახელით ჩაიდინეს უდიდესი რეაქციონური აქტი: მშვიდობის მოკვარულ ერის მკვლელობა. უნდელეს პირობებში იშვა საქართველოს რესპუბლიკა. 3 წლის დამოუკიდებელი არსებობების დროს არ ყოფილა არც ერთი წამი, რომ მას წინ არ სდგომოდეს ხან ერთი, ხან მეორე საფრთხე; მაგრამ ქართველი ხალხი, მუშათა დემოკრატიის მეთაურობით, მედგრათ იგერიებდა მტრის იერიშებს და ამავე დროს შინ ბეჯითად ეწეოდა უდიდეს აღმშენებლობითი მუშაობას. არ დარჩენილა ცხოვრების არც ერთი დარგი, რომელსაც ინტენსიური მუშაობის დრმა კვალი არ დასჩინოდა. თითქმის ქართველი ხალხი ცდი-

ლობდა ასი წელის დანაკლისის ერთბაშად შესვლას. მარა მოსკოვის იმპერიალისტებს ძილს უფრთხობდა მის გვერდით დემოკრატიული საქართველოს არსებობა. ბოლშევიკების მიერ დაპყრობილ კავკასიის ერებს საქართველოს არსებობა იმედებს უღვიძებდა და თავისუფლებისადმი მისწრაფებას უძლიერებდა. ამასთან, ევლალა ხედავდა დემოკრატიულ წყობილების უწყველ უპირატესობას საბჭოთა სისტემის წინაშე. თავისუფალი საქართველო რუსეთის «სოციალისტური» რესპუბლიკისათვის ისეთივე «კბილის მატლი» შეიქნა, როგორც ერთ დროს თვით-იმპერატორ რუსეთისათვის კონსტიტუციონური ფინლიანდია იყო. და აი, დაიწყო კომპანია საქართველოს წინააღმდეგ. პირველათ საბჭოთა რუსეთი შეეცადა საქართველოს დემოკრატიული წყობილების შიგნიდან აფეთქებას. აუარებელ ფულებს ხარჯავდა მის თავის აგენტებზე საქართველოში. საბჭოთა მისიები გადაიქცა პროპაგანდა-აგიტაციისა და აჯანყების ცენტრებათ. მაგრამ ამოთ ჩაიარა ყოველმა ცდამ: ქართველი მუშა და გლეხი არ აცვა ბოლშევიკების ლამაზ დაპირებებს. მათი «გამოსვლების» ცდა ევლგან მათდა სამარცხვინოთ დასრულდა. მოსკოვისათვის აშკარა შეიქნა, რომ ქართველი ხალხის ნებით გადაბირება შეუძლებელი იყო. დაიწყო ხანა პრაგოკაციებისა და მუქარის. ატლდა საშინელი კომპანია საბჭოთა პრესაში საქართველოს წინააღმდეგ. ამავე დროს ბოლშევიკებმა მიითვისეს საქართველოს კუთვნილი სამაშრუტო მატარებელი და ურცხვით გასთელეს მოსკოვის და აქსტადის ხელშეკრულებათა მუხლები. მარაროცა არც ამ პრაგოკაციულმა ომებმა გასჭრეს, მაშინ შეუდგენ სამხედრო მზადებას. და აი გასული წლის 11 თებერვლიდან ომის გამოუცხადებლათ ომი აუტეხეს საქართველოს.

საქართველო



იგი დაიპყრეს. და ეგონათ, რომ ამით ქართველი ხალხი საბოლოოთ დაიმორჩილეს. მაგრამ აქაც სასტიკათ მოსტყუვდნენ. მალე ერთი წელიწადი შესრულდება, რაც საქართველოს ოკუპაცია მოხდა. ამ ხნის განმავლობაში საქართველოში ბოლშევიკებმა სკადეს ყველა ის ხერხი, რითაც შიდა რუსეთის ხალხი გასტყვეს და დაიმორჩილეს. მიუხედავად ლიბერალური დაპირებებისა, საქართველოში მათ ფართოთ გამოიყენეს ტერორისტული რეჟიმის მეთოდები. მარა ამათ. ქართველი მუშა, გლეხი, მთელი ქართველი ერი, როგორც ერთი კაცი აღჭურვილია დამპყრობელებისადმი უდიდესი სიძულვილით და ცოველ ფეხის ნაბიჯზე ჩუმი თუ აშკარა წინააღმდეგობითა და პროტესტებით ხვდება მათ. საქართველოში წითელი ჯარის შემოსვლის შემდეგ ქართველ ხალხსა და ბოლშევიკებს შორის გადაუვალი კედელი აღიმართა. ქართველმა საზოგადოებამ საოცრათ გაამართოვა ბოლშევიზმი ჩვენში. და გაამართოვა ის მან არა მარტო, როგორც უხეირო სოციალ-პოლიტიკური მიმართულება, ქართველი ერის კულტურისა და ეკონომიურ ცხოვრებასთან შეუხამებელი, არამედ კიდევ უფრო როგორც უცხო ძალა, რომლის ბატონობა მას არ სურს მიიღოს და არც შეურიგდება არასოდეს. ამაშია სწორეთ ქართველი ერის უდიდესი ძალა და ეს არის უპირველესი თავდები იმისა, რომ იგი კვლავ დაიბრუნებს თავისუფლებას და აღადგენს მექანიკურათ შეწყვეტილ სახელმწიფოებრივ დამოუკიდებლობას.

ამ ნაირათ, არ გამართლდა მოსკოვის აგენტების—მახარაძისა და კომპ. იმედები, რომ წითელ არმიელებით დაპყრობილ ქართველ ხალხს «მოაქცევდნენ» მოსკოვის დიქტატორების ჭკუაზე. გასულმა წელმა ყველასათვის დასაწახათ გამოაშკარავა ჩვენი ერის ძლიერი მისწრაფება უცხო უღლის კისრიდან გადაგდებისა და თავისუფლების მოპოებისადმი. სამხედრო ფრონტზე წამებულ ბრძოლას ქართველი ხალხი განაგრძობს შიგნითა და გარეთ. ის არ არის გულხელდაკრფილი. იგი არ ემორჩილება თავის დევანდელ ბედს და, მიუხედავად ენით გამოუთქმელ დევნა-შევიწროებისა და საშინელი გაპყრებისა, იგი მუშაობს, იბრძვის, ცოცხლობს იმედით, რომ დაბოლოს მტერს სძლევეს და ტყვეობას თავს დააღწევს.

ამ ნაირათ, საბჭოთა რუსეთის სამხედრო მარჯვება დათავდა საქართველოში მისი სრული პოლიტიკური დამარცხებით. წითელ არმიელთა ხიშტებით დამცარებული საბჭოთა ხელისუფლება ცხადათ გრძნობს, რომ ჩვენი ქვეყნისათვის იგი სრულიად უცხოა, რომ იგი დღეს არის და ხვალ შეიძლება არ დარჩეს.

მაგრამ ქართველი ხალხი ამ ბრძოლაში არ არის მარტოდ-მარტო. მის მხარეზეა დღეს უდიდესი სიმპატიები მთელი განაძლებული კაცობრიობის. კიდევ მეტი. მის განმათვისუფლებელ ბრძოლას მხარს უჭერს ევროპის თანამედროვე დემოკრატია, რომელიც დიდი პოლიტიკური და მორალური გავლენით სარგებლობს და რომლის ძალა დღითიდღე იზრდება და ძლიერდება. მან მიზნათ დაისახა საქართველოს გამოგლეჯა წითელი იმპერიალისტების ბრჯყალებიდან.

სწორეთ ამ დაპყრობის ღანაში საქართველოს საკითხმა უდიდესი პოპულიარობა მოიპოვა. ქართველ ერს დღეს გაცილებით მეტი საიმედო მეგობრები ღავს, ვინემ ეს იყო მისი დამოუკიდებელი არსებობის დროს. მისი დემოკრატის მისწრაფებას ამ ჟამათ გაცილებით უკეთ იცნობს მთელი განათლებული კაცობრიობა, ვინემ წინეთ იცნობდა.

ამნაირათ, წინააღმდეგ დამპყრობელთა სურვილისა, მიუხედავად ქვეყნის ოკუპაციისა, საქართველოს საკითხი არ მოხსნილა საერთაშორისო პოლიტიკის დღის წესრიგიდან, ის ისევ დგას როგორც ერთი მნიშვნელოვანი საკითხი, რომელსაც გადასჭრის არა მარტო ქართველი ერისა და ოკუპანტების შორის წარმოებულ ბრძოლის შედეგი.

ამაშია მეორე ძლიერი მხარე ქართველი ერის პოზიციისა.

ამავე დროს დამპყრობელი, შიგნით დასუსტებული, დანგრეული, დამშეული და გაღატაკებული სხვას უწვდის ხელს საშველათ, რომ საშინელ კატასტროფას რამენაირათ თავი დააღწიოს. რაც დრო გადის ის თანდათან სუსტდება ეკონომიურათ და აქედან, რასაკვირველია, პოლიტიკურათაც დაკარგავს ძალას არა თუ სხვებზე ბატონობისას, არამედ თვით თავის თავის მოვლისა და პატრონობის უნარსაც. ახალი წელიწადი მისთვის იქნება წელიწადი ახალი დამარცხებისა და ვაპიტულიაციის.



ეს გარემოება კიდევ უფრო აცხოველებს ჩვენს იმედებს და აძლიერებს საქართველოს განთავისუფლების შესაძლებლობას.

ახალი წელი საქართველოსთვის იქნება, ის უნდა იქნეს, წელი გამარჯვებისა და განთავისუფლების.

ამ დღმა რწმენით აღჭურვილი მივესალმებით შორეული უცხოეთიდან ჩვენს მკითხველებს დაიმედებული იმაში, რომ ჩვენ დაბოლოს საშვალება მოგვეცემა მივუღოცთ მას განთავისუფლება!

რუსეთის აღდგენა და საქართველო.

დანგრეული რუსეთის აღდგენა და იქიდან ნედლი მასალის გამოტანა მორიგ საკითხათ იქცა დღეს ევროპისათვის. ამ უზარმაზარი, აურაცხელი ნედლი მასალით სავსე ქვეყნის მოწყვეტა თანამედროვე საერთაშორისო ეკონომიურ ურთიერთობიდან, მეტის-მეტათ საგრძნობია ყველა ქვეყნის მეურნეობისთვის.

რუსეთის დღევანდელი ბატონები ამ ფაქტზე —სე იგი ევროპისთვის რუსეთის მასალის და ბაზრის საჭიროებაზე, აწყარებდენ თავის იმედებს და განზე გადგომილ ევროპის სახელმწიფოებს დამშვეით ემუქარებოდენ. მუქარა რამდენიმეთ სწორი აღმოჩნდა, მაგრამ ამ მიუყარებლობაში ყველაზე მეტათ დაზარალდა და ყველაზე ადრე სასოწარკვეთილებამდე მივიდა თვით რუსეთი და არა დასავლეთ ევროპა.

შემშლილთ ამოწყვეტა მთელი რაიონების უკვე ფაქტია რუსეთში, მაშინ როდესაც ევროპას პართალია მრავლათ ცავს უმუშევრები და ბევრი კაპიტალი უცდება, მაგრამ რუსეთის მდგომარეობისაგან იგი ისე შორსაა, როგორც ცა დედამიწისაგან.

ამიტომ ევროპა კი არ მიდის რუსეთთან ქედის მოსახრელათ, როგორც ეს კრემლის ბატონებს ეგონათ, არამედ ლენინი და კომპანია იჩქებენ ევროპის კაპიტალის წინაშე, რომელსაც კომუნისტური შეღოცვებით და ჩეკას ტერორით უპირებდენ დანგრევას და განადგურებას.

ასე თუ ისე, ევროპა შეუდგა თავის დაქვეითებულ ეკონომიურ მდგომარეობის გაუმჯობესების პრობლემის გადაჭრას და ამ პროცეს-

ში დადგა რუსეთის საკითხი, როგორც აღდგენილი პრობლემა, რომლის გადაჭრით შეიძლება ახალი, ფართე ასპარეზის მიცემა ევროპის კაპიტალისათვის განსავითარებლათ და მოგების მოსახვეჭათ.

მაგრამ რა გზით შეიძლება რუსეთის აღდგენა?

სადაა ასეთი ძალა?

ევროპის ერთი რომელიმე სახელმწიფოსთვის ამის მინდობა, დანარჩენებს თავისთვის სახიფათოთ მიაჩნია. კანონი მეტოქეობის და გაძლიერების სურვილის, რომელიც ყველა სახელმწიფოს ბურჟუაზიას თანაბრათ ამოქმედებს, არ აძლევს მათ ამის საშვალებას. თავისუფალი კერძო ინიციატივისთვის მინდობა ამ უდიდესი სამუშაოსი შეიძლება მხოლოდ იმ შემთხვევაში, რომ რუსეთში სათანადო პოლიტიკური პირობები იყოს კაპიტალის ნორმალური მუშაობისათვის. მაგრამ საბჭოთა სისტემა ასეთ პირობებს ვერ იძლევა. და აი ასეთ პირობების შესაქმნელათ, ან ცოველ შემთხვევაში საბჭოთა სისტემის უარყოფით მხარეების სანეიტრალიზაციოთ, აუცილებელია ჩარევა ევროპის სახელმწიფოების, მათი მთავრობების და აღდგენის საკითხის სახელმწიფოებრივ საკითხათ გამოტანა.

ჩვენ ვხედავთ, რომ გამარჯვებული სახელმწიფოები უკვე შეუდგენ ამ საკითხს. მაგრამ აქ წინ გადაეღობათ მათ ერთი პრობლემა კიდევ: ინგლის-საფრანგეთ-იტალიის მეცადინეობა საქმარისი არ იქნება ამ დიდი რუსეთის მოსაწყობათ. საჭიროა თვით რუსეთისთვის და ევროპისთვისაც, რომ ამ საქმეში ახლო მონაწილეობა მიეცეს გერმანიას. ამას აქვს გარდა ამისა სხვა მიზეზებიც: გერმანია დღეს მსოფლიო ბაზრიდან განდევნილია, როგორც დამარცხებული, მაგრამ მისი დიდი ეკონომიური როლი ევროპის ცხოვრებაში ჯერაც ვერავის დაუჭერია. არც არის მოსალოდნელი, რომ ამ 70 მილიონიან ხალხის დამშვევასა და უმოქმედებაზე ააგოს ევროპის კეთილ-დღეობა. ამიტომ რუსეთის საკითხში იგიც უნდა იყოს ჩაბმული. ამით გერმანიაც წელში გაიმართება, და იმ ვალდებულების შესრულებაც შედარებით გაუადვილდება, რომელიც მას ვერსალის ხელშეკრულებამ დაადო გამარჯვებულ სახელმწიფოთა სასარგებლოთ.

11819





ეს დადებითი მხარეა გერმანიის მონაწილეობის რუსეთის აღდგენაში. უარყოფითია ის, რომ მისი გაძლიერებით, შეიძლება რევანშის სურვილი გადავიდეს და ახალი ომის საფრთხე წარმოიშვას, რასაც გაუზრბის საფრანგეთი. მაგრამ ამ საშიშროების თავიდან აცილება შეიძლება ინგლის-საფრანგეთის თავდაცვითი სამხედრო კავშირით, რომელიც უკვე ფაქტი ხდება.

ამ რიგით ევროპის მოწინააღმდეგე ბანაკები, გუშინდელი მემორანი და მტრები ერთდებიან რუსეთის უფრცოლესი ბაზის დასაპატრონებლათ.

თვით რუსეთს, მის შინაგან ძალებს ამ აღდგენაში ძალიან მცირე, ან თითქმის არაფითარი ადგილი არ უჭირავთ. ისინი საფუძვლიანათ ამოაგდო და ააოხრა კომუნისმის ბარბაროსულმა პოლიტიკამ.

და ახლა ისმება საკითხი, რა გარანტია აქვს უცხო კაპიტალს რუსეთში ნორმალური მუშაობის?.. და ან შეუძლია თუ არა მას ერთბაშით მთელ რუსეთის თვალუწვდენელ ტერიტორიას მოედვას და ცოველგან წარმოების გაჩაღება დაიწყოს?

პირველ საკითხს სწევებს ერთი მხრით საბჭოთა პოლიტიკის და წყობილების შეცვლა, მათი ევროპიულ წყობილების ფორმებთან დაახლოვება, რამდენიც ეს შესაძლებელია. მაგრამ ბოლშევიკები სწორეთ ამას გაუზრბიან, რადგან საბჭოთა ტერორისტული სისტემა მათი დიქტატურის მიუცილებელი პირობაა, და მისი დასუსტება ან გარდაქმნა—თვით კომუნისტების უცილობელ დაცემას გამოიწვევს. მათ კი ასეთი თვითმკვლელობა არ ენერხებათ. ისტორიისგან განწირულები—დღეს მაინც ძალა-უფლებას ებღაუჭებიან, როგორც მომაკვდავი ქლექიან სიცოცხლეს...

სამაგიეროთ ბოლშევიკები მზათ არიან ეკონომიური გარანტიებით დააკმაყოფილონ ევროპის კაპიტალი. მართალია მარქსისტული თვალსაზრისით აბსურდია, ეკონომიური საფუძვლის შეცვლა და პოლიტიკური ზედნაშენის ხელუხლებლათ დატოვება, მაგრამ რუსეთის კომუნისმმა დიდი ხანია დაკარგა ლოლიკური მსჯელობის უნარი. იგი მხოლოდ სიცოცხლის რამდენიმეთ განანგრძლივებაზე ცდილობს და თავს «დროებით უკან დახვის ტაქტიკით» ინუბაშებს.

მაგრამ ევროპის კაპიტალისა და თვით რუსეთის განაწამებ ხალხისა და განსაკუთრებით

ბოლშევიკებისგან დაშინებულ და დაპყრობილ განაპირა ერებისთვის საკითხი სულ სხვა გეგრათ სდგას.

რუსეთის ერთბაშათ აღდგენა შეუძლებელია. იგი უნდა ზონებათ დაიყოს, თვითეულ ზონაში ამა თუ იმ ევროპიულ სახელმწიფოს განსაკუთრებული დავალებები და უფლებები მიეჩინოს.

ეს ერთი მხრით. მეორე მხრით, თავისთავთ ცხადია, პატარა ერები, და განაპირა ადგილები, სადაც ბოლშევიზმს ძლივს ითმენენ, და სადაც ევროპიულთათვის მისვლა ადვილაა ზღვის გზით, პირველ ყოვლისა უნდა გახდეს საზრუნავი საგანი აღმდგენელი მუშაობის.—ეს გახდება საფუძველი რუსეთის დაყოფის და დანაწილების, მის შემდგენელ ნაწილებათ, გაპკივიან ველიკოროსიის ცველა ჯურის ნაციონალისტები?

შეიძლება გახდეს, ჩვენ არ ვარკვეთ ამას. მაგრამ განა ველიკოროსიას აქვს უფლება ეს წითელ ზიშტით დაშინებული და ძალათ გაღატაკებული ხალხები ისევ თავის უღელ ქვეშ ატაროს იმ მიზნით, რომ ის ოდესღაც ფეხზე წამოდგება? განა ამ განაპირა ერებს არა აქვთ თავის დამოუკიდებელი ღირებულება და უფლება თვითგამორკვევის?

და ჩვენ ვფიქრობთ, რომ სწორეთ ეს უფლება უნდა დაედვას საფუძვლათ რუსეთის ერთა აღდგენის პროცესს.

მთელი რიგი სახელმწიფოებისა და მათ შორის საქართველო, რომელთაც შექმნეს რევოლიუციის პროცესში თავის დამოუკიდებელი არსებობა—მოითხოვენ, რომ მათ მოძალადეთა უღელი ჩამოშორდეს და ეკონომიურ განვითარებისა და კულტურული წარმატებისათვის თავის ძალღონის გამოყენების საშვალება მიეცეს.

ასეთ თავისუფალ ცხოვრების პირობებში ეს ქვეყნები მალე და ადრე შესძლებენ დანგრეული წარმოების აღდგენას და რუსეთის საერთო განახლებაც ამით დაჩქარებული იქნება. ამ კუთხეებში ბოლშევიზმის დატოვება და ასე მისი ხელოვნურათ გაძლიერება იქნებოდა განზრახ დაბრკოლებების დატოვება აღმდგენელი მუშაობის გასაძნელებლათ. განსაკუთრებით ეს ითქმის იმიერ და ამიერ კავკასიაზე, სადაც ცველა ერი: ქართველი, სომეხი, თათარი, ყაზახობაც დამოუკიდებელ ანტიბოლშევიკურ პოზიციაზე დგანან და რუსეთისგან გამოყოფას მოითხოვენ.



უკრაინა და სხვა განაპირებებიც მათ მსგავსათ მოითხოვენ ბოლშევიკების უღლის მოცილებას.

ევროპის კაპიტალი ამ ადგილებში ვერ იმუშავებს, სანამ იქ გარედან მოსულ ბოლშევიკების დიქტატურა მეფობს და «წითელი» ხიშტი ნავარდობს.

საპატრონო და მოსაველი, ველიკოროსია ვერ დაჩეხა სხვის მომვლელის და პატრონის როლი. ასეთია თღვეანდელი დღის და ცხოვრების მიუცილებელი მოთხოვნილება. ევროპის დემოკრატიას ეს კარგათ აქვს შეგნებული და იგი ერთსულოვნათ ამტყიცებს საქართველოს მაგალითზე, რომ «წითელ კომუნისტურ» მოძალადეების უხეში იმპერიალიზმი მათთვის სრულიად მიუტოვებელია და დასაგმობი. ევროპის ბურჟუაზიულმა წრეებმაც, თუ საკაცობრიო იდეალებით არა, რომელწენდაც მათ ლაპარაკი უყვართ, წმინდა ეკონომიური მოსაზრებით მაინც უნდა მხარი მისცენ ერთა თვითგამორკვევის პრინციპს, რაც დღეს ნიშნავს ბოლშევიკების დამარღვეველი გავლენისაგან თვითგამორკვევის.

მხოლოდ ასეთ პირობებში შეიძლება რუსეთის აღდგენა.

საქართველოს განთავისუფლების საკითხიც, რომლის ძალმომრეობით და ვერაგულათ დაპყრობა დღეს ეგვიპტისათვის აშკარა და უდავოა, უნდა პირველ ყოვლისა იქნეს განთავისუფლებული ამ გამანადგურებელი ჩრდილოეთის ძალებისაგან. საქართველო ცნობილი იურიდიულათ თვით რუსეთის მიერ, და ცნობილი ევროპელი სახელმწიფოებისაგან, რომელი საბუთით, რის გულისთვის უნდა გადაებას შიდა რუსეთის ველიკოროსულ იმპერიალიზმს?

თუ რომელიმე ერის პოზიცია, თუ რომელიმე საკითხი არის ნათელი და სიმართლის მატარებელი, ეს არის საკითხი საქართველოს განთავისუფლების, ეს არის პოზიცია საქართველოს მთავრობის.

ჩვენ არ ვართ წინააღმდეგი რუსეთის ცნობის. ჩვენ არ ვართ წინააღმდეგი რუსეთის ეკონომიურ და პოლიტიკურ აღორძინების. პირიქით. ჩვენ მუდამ ვიცავდით მათ შინაურ საქმეებში ჩაურევლობას და ერის უფლებას თავის ბედი თვით გამოსჯედოს. ველიკოროსებს აქვთ უფლება ისეთი მთავრობა იყალიონ, როგორც სურთ, ისეთი წყობილება შემოიღონ, როგორც

მოეწონებათ. მაგრამ ქართველ ერსაც უნებურად უფლებები აქვს თავის პატარა სამშობლოს ფარგლებში.

მისი ბედის გადაბმა დიდი რუსეთის ბედზე, მისი საკითხის გადაქცევა რუსეთის შინაურ საკითხათ, არავითარი მოსაზრებით არ შეიძლება გამართლებულ იქნეს.

მხოლოდ შიშველი იმპერიალისტური თვალსაზრისით შეიძლება წინააღმდეგობის მტკიცება.

ამ რიგათ არც ერის უფლებები, არც ევროპის ინტერესები, არც ინტერესები რუსეთის დემოკრატიის, არც სხვა რამ კულტურული მოსაზრება არ მოითხოვს საქართველოს ჩაქედვას რუსეთის ფარგალში. პირიქით ეგვიპტის მოსაზრებები მისი თავისუფალი, დამოუკიდებელი არსებობის სასარგებლოთ ლაპარაკობს. თვით შიდა რუსეთის მალე აღდგენისა და განახლებისთვისაც ეს იმპერიალისტური ტენდენციები მოსკოვის კომუნისტების წმინდა უარყოფითია, მომაკვდინებელია. და მხოლოდ რეაქციონურ წრეებს, როგორც ვრანგელის და და სხვა მონარქისტების წრეებია, შეუძლია ამ აშკარა ვერაგობას ტაში დაუკანან, რადგან თვით დანგრეულს და დასაწყლებულს, სხვისი დაჩაგვრით უნდა გაწყალებული გული გამოიმთელოს.

ამათ რეაქციონურ სისინს ერთი მნიშვნელობა აქვს—იგი აშკარა ჰყოფს მთელ სიავეს იმ საქმისას, რომელიც მოსკოვის დიქტატორებმა საქართველოში შემოჭრით ჩაიდინეს.

და ჩვენი მთავრობა, ევროპის მუშათა დემოკრატიის და მთელი პროგრესიული კაცობრიობის სრული თანაგრძნობით და დახმარებით, იმედი გვაქვს, შესძლებს საქართველოს ნავი ბოლშევიკურ მღვრიე ტალღებში ჩანთქმას გადაარჩინოს და მისი დამოუკიდებლობის კვლავ აღდგენით ახალი, ევროპიული ცხოვრებისაკენ გზა გაუწალოს.

ვისთან არიან გოლუაჰიკები?

ჩვენ ყოველთვის ვამბობდით, რომ ბოლშევიკები აკეთებენ ანტი-დემოკრატიულს და ანტისოციალისტურ საქმეებს. რომ ბოლშევიკების ბატონობა რუსეთში ანადგურებს დემოკრატიას, მუშათა კლასს, თვით რუსეთს და აძლიერებს როგორც საერთაშორისო რეაქციას, ისე თვით რუსეთის მომავალ რეაქციას.

ეს სწამდა საქართველოს სოც.-დემოკრატიას და ამიტომ იყო რომ იგი ბოლშევიზმს ებრძოდა, როგორც სიტყვით, ისე საქმით. ეს შეგნებული ქონდა ქართველ ხალხს, მას წამდა რომ ბოლშევიზმის გაბატონება მოასწავებდა და მოასწავებს თავისუფლების და დამოუკიდებლობის მოსპობას, ამიტომ იყო რომ იგი თავგამოდებით ებრძოდა მას და ებრძვის დღესაც.

მაგრამ რეაქციონერებსაც კარგათ აქვთ შეგნებული და გათვალისწინებული—თუ ვის საქმეს აკეთებენ მოსკავის დღევანდელი დიქტატორები.

ყველამ კარგათ იცის თუ ვინ უმაგრებდა ბოლშევიკებს ზურგს 25 ოქტომბრის გადატრიალების დროს, ვინ უწყობდა მას ხელს და ვინ უკრავდა მათ ტაშს. ეს გახლდათ გერმანიის სამხედრო შტაბი და რუსეთის რეაქციონერები.

რუსეთის რეაქციამ ბოლშევიკების გაბატონების გამო შესძლო მთელი თავისი ძალების დარაზმვა და რევოლიუციის წინააღმდეგ ბრძოლის დაწყება. მართალია, იგი დამარცხდა, მაგრამ დამარცხდა «გენერლების მეთაურმა» და არა რეაქციამ. მას დღეს უფრო კარგი ნიადავი აქვს, ვინემ ეს ქონდა დენიკინ-კოლჩაკის ხანაში. მისი პერსპექტივები დღეს უფრო, ფართოა, ვინემ ოდესმე. პირობები ყოველ მხრით მზათ არის, საჭიროა მხოლოდ ლენინის «ტახტის» დაკავება. უეჭველია რუსეთის რეაქცია ამას იზამს და ამისთვის იგი ახალ ხელმძღვანელთ მონახავს. მეთაურათ მეფის გენერლები აღარ გამოდგება. ეს მან კარგათ იცის.

ცხადია აგრეთვე ისიც, რომ საერთაშორისო რეაქცია ამ ოთხი წლის განმავლობაში «საშვალეებს» აძლევს ბოლშევიკებს იბატონონ რუსეთში რათა მას მოყვეს რუსეთის მეურნეობის სავესებით მოსპობა და სოციალისტური მოძრაობის სახელის გატეხა.

ამ პოლიტიკამ თავის ნაყოფი უკვე გამოიღო. ბოლშევიკები თავის ნებით მიდიან საერთაშორისო იმპერიალიზმთან, მუხლს იდრეკენ მის წინაშე და ევედრებიან: ქვეყანა ჩვენი მდიდარი და დიდია, ხოლო ჩვენ არც კაპიტალი გვაქვს და არც სამეურნეო წარმოების გამოცდილება, თქვენ კი ფულიც გაქვთ და გამოცდილებაც, და ამიტომ გთხოვთ მობრძანდეთ და იბატონოთო. საერთაშორისო კაპიტალი უკვე გრძნობს თავის გამარჯვებას. იგი ხედავს, რომ ლენინის

ელჩებმა კრასინ-ლიტვინოვ-სკობოლევებმა საქმად ტყეანეს ლონდონისა და პარიზის სასახლეების უკანა კარები და რომ ეხლა ისინი უკვე მის წინაშე დაჩოქილი დგანან. ამის შემდეგ ანტანტის წარმომადგენელნიც შესაძლებლათ სცნობენ ბოლშევიკებთან ლაპარაკს.

რას ნიშნავს ეს? მხოლოდ და მხოლოდ ბოლშევიკების დამარცხებას, კომუნისმის გაკოტრებას და იმპერიალიზმის გამარჯვებას.

ამას კარგათ ხედავს ევროპის დემოკრატია და მუშათა კლასი. საცურადგებოა ის, რომ, რაც უფრო შესაძლებლათ სცნობს ევროპის ბურჟუაზია რუსეთის ბოლშევიკებთან საქმის დაქერას და მასთან ლაპარაკს, ევროპის მუშათა კლასი მას უფრო და უფრო შორდება. ბოლშევიკებმა უკანასკნელათ დაკარგეს ევროპის პროლეტარიატში ის მკირედი გავლენაც კი, რომელიც მათ წინეთ ქონდათ. მოსკოვის კომინტერნი დღეს ევროპის მუშათა კლასს აღარ ხიბლავს, მან იცის თუ რას წარმოადგენს იგი. ბოლშევიკების გუშიდელი მეგობრები—ევროპის კომუნისტებიც კი მესამე ინტერნაციონალიდან ინიჯნებიან, მის წინააღმდეგ ბრძოლას იწყებენ და ლენინ-ტროცკი-ზინოვიევის მუშათა კლასის მოლაღატეთ აცხადებენ.

გასული წლის თებერვალში ბოლშევიკებმა საქართველო დაიპყრეს, ერის თვით გამოკრევის პრინციპები ფეხქვეშ გათელეს, დემოკრატია და მუშათა კლასი დაარბიეს და წითელი არმიელის შტიკი გაამეფეს. ერთი სიტყვით, გააკეთეს უდიდესი ისტორიული რეაქციონური საქმე. პატარა ერის უფლებებს ასე ფეხქვეშ წინეთ სთელავდენ მხოლოდ მეფის მთავრობანი და იმპერიალისტები, დღეს მას ისინიც სიფრთხილით ეკიდებიან და ასეთ უდიერათ, როგორც მოსკოვის მთავრობა ექცევა პატარა ერებს, ისინი არ ეპყრობიან.

მთელი ქვეყნის დემოკრატია, მუშათა კლასმა და სოციალისტებმა დაგმეს ბოლშევიკების ეს ნაბიჯი და მოსკოვის დიქტატორებიდან მოითხოვეს წითელი არმიის საქართველოდან გაყვანა. ისინი ყველანი ერთხმით აღიარებენ, რომ მოსკოვის კომუნისტებს არ აქვთ უფლება გათელონ ქართველი ერის უფლებები, იმ ერის, რომელმაც თავის რევოლიუციონური ბრძოლით სახელი გაითქვა მთელს ქვეყანაზე და რომელიც ეხლაც განაგრძობს ბრძოლას თავის დამოუკიდებლობისათვის.



რომ მოსკოვის მთავრობა მართლა სოციალისტური იყო, რომ იგი მართლა მუშათა და გლეხთა მთავრობას წარმოადგენდეს, ის აუცილებლათ გაუჩვენდა ანგარიშს ევროპის მუშათა კლასის ამ მოთხოვნილებას, მხედველობაში მიიღებდა სოციალისტების აზრს და თავის შეცდომას გაასწორებდა.

მაგრამ ლენინის მთავრობა არ არის სწორეთ ასეთი მთავრობა და ამიტომ ამ კითხვაშიც იგი ევროპის მუშათა კლასთან და სოციალისტებთან არ აღმოჩნდა. აქ მეორდება იგივე ისტორია, რაც მოხდა პოლონეთის დანაწილების დროს მესამოცე წლებში. სოციალისტური პირველი ინტერნაციონალი მარქსისა და ენგელსის მეთაურობით პოლონეთის აღდგენას მოითხოვდა, ხოლო იმპერატორები მას ანაწილებდნენ. მაგრამ ისინი იცვენ იმპერატორები და ამავე დროს არც მუშათა კლასი იყო ისე ძლიერი, როგორც დღეს არის. დღეს მის აბუჯათ ავღუბას ვეღარც მეფენი ბედავენ. და თუ მოსკოვის მთავრობა არ უჩვენს მათ ერთსულოვან მოთხოვნილებას ანგარიშს, ეს კიდევ ერთხელ ამტკიცებს იმას, რომ ბოლშევიზმი და მუშათა კლასი ორი სხვა და სხვა მოვლენას.

მაშ ვინ არის ამ შემთხვევაში ლენინთან და ვინ უჭერს მას მხარს? ვინ უწონებს მას პატარა ერების დაპყრობას საერთოთ და კერძოთ საქართველოს დარბევას?

ცხადია, რეაქციონერობას—რეაქციონერები მოიწონებენ. და ეს ასეც ხდება. აი ყური დაგუგდოთ როგორ ხობტას ასხამენ ბოლშევიკებს რეაქციის გუშინდელი აქტიური მეთაურნი და სულის ჩამდგმელნი. «რუსეთი უნდა დარჩეს დიდ სახელმწიფოთ, სწერს კრებულ «სმენა ვეხის» ფურცლებზე პროფ. უსტრიალოვი, წინააღმდეგ შემთხვევაში ის ვერ გადაიტანს დღევანდელ სულიერ კრიზისს. და რადგანაც მხოლოდ საბჭოთა მთავრობას შეუძლია აღადგინოს მისი საერთაშორისო პრესტიჟი და მთლიანობა, ამიტომ ჩვენი ვალია ვიცნოთ მისი პოლიტიკური ავტორიტეტი. და ჩვენ დარწმუნებული ვართ, განაგრძობს ცნობილი რეაქციონერი პროფესორი და დღევანდელი—ნაციონალ ბოლშევიკი, რომ საბჭოთა მთავრობა ყოველ დღენს იხმარს, რათა შემოუერთოს ცენტრს განაპირა ქვეყნები. იგი ამას რევოლიუციის სახელით გააკეთებს, ხოლო ჩვენ მას მთლიანი

და დიდი რუსეთის სახელით. მაგრამ როგორც არ უნდა იცოს განსხვავება იდეაში, გზა მაინც ერთია». (კრებ. «ს. ვეხ.» გვ. 57-56).

ბოლშევიკების და მუშების გზა ერთმანეთს დაშორდა და რეაქციონერებისა და «ველიკოდერჟავნიკების» შეერთდა.

და ეს «ველიკოდერჟავნიკები» დიდ მადლობას უძღვნიან ბოლშევიკებს საქართველოს დაპყრობისათვის და იცავენ მათ იმ ხალხისგან, რომელთაც ბოლშევიკების ასეთი ნაბიჯი არ მოსწონთ. ნაც.-ბოლშევიკები ჟურნალ «სმენა ვეხის» № 6-ში გაკვირვებას გამოსთქვამენ იმის გამო, რომ რუსეთის ემიგრაციის ერთი ნაწილი გმობს ბოლშევიკების მიერ საქართველოს დაპყრობას და მოითხოვს რუსის ჯარის იქედან გაყვანას. «ვეხილები» ნამდვილი ბოლშევიკური ენითა და საბუთებით ამტკიცებენ, რომ «საქართველოს დაპყრობა არ მოეხდარა, რომ იქ ერთი ქართული მთავრობა, მეორე ქართულმა მთავრობამ შესცვალა და სხვა». და ესეც რომ არ იცოს, მათის აზრით, რატომ არ შეიძლება ამ «მოჩვენებითი რესპუბლიკებში», სადაც წინეთ გერმანიისა და ინგლისელების ჯარები იდგენ, ეხლა რუსის ჯარი იცოს!

ამავე ენით და საბუთებით ამართლებენ თავის მოლაღატურ მოქმედებას ქართველი ბოლშევიკების ბელადები მახარაძე-ორჯონიკიძეები. რალა უშავთ, ბენდიერი არიან. მუშათა კლასს გაშორდენ და რეაქციონერებს ჩაეკრენ გულში და მათთან საერთო ენა და გზა გამოიხატეს. საქართველოს მუშები ებრძვიან, ხოლო რუსეთის რეაქციონერები ეხმარებიან. საერთ. შორისო დემოკრატია მათ მოქმედებას გმობს, ხოლო რეაქცია იწონებს და ტაშს უკრავს. თავისუფლებისთვის მებრძოლ მუშებს და გლეხებს ციხეებში ალპობენ, ჩეკებში სტანჯავენ, ხოლო მეფის ცნობილ ჯალათს გენერალ სლაშჩევს მოსკოვში დიდის ზემით იღებენ.

კაუცკის, ვანდერველდეს, ჟორდანიას და აქსელროდს კონტრ-რევოლიუციონერათ აცხადებენ, ხოლო დენიკინისა და კოლჩაკის ცოდილ მინისტრებს, ცნობილ რეაქციონურ მოღვაწეთ: კლიუჩნიკოვ-ბობრიშჩევ-პუშკინსა და კომპანიას ქებათა-ქებას ასხამენ, მათ ნაწერებს თავისი ხელით ავრცელებენ და ავტორთ მოსკოვში ეპატიყებიან!

რით აიხსნება მერე ცოველივე ეს?

თუ სინოდის ყოფილ ობერ-პროკურორს და ბოლშევიკების დღევანდელ მებობარს ლვოვს დაუჯერებთ, ეს აიხსნება იმით, რომ «საბჭოთა» მ ავრობას ცხოვრების ისტორიული აუცილებლობა აიძულებს, რომ კამუნისტური პროგრამის იარაღის მაგიერ, იგი რუსეთის ისტორიული ამოცანის იარაღით გახდეს.»

რუსეთის «ისტორიული ამოცანა» კი, ყოველთვის რეაქციონური იყო და დღესაც ასეთი დარჩა.

მოკლეთ, ბოლშევიკები ტ რეაქცია ერთმანეთს უბლოვდება, უკანასკნელი პირველს სახსებით იპორჩილებს, ხოლო ამავე დროს მუშათა კლასი და ბოლშევიზმი ერთმანეთს შორდება. საქართველოს დამოუკიდებლობის საკითხმა ეს მოვლენა ყველაზე უფრო ნთლათ დაგვანახა.

მეამე კომინტერნს მსოფლიო რევოლიუციის საქმე უნდოდა გაეკეთებია, გააკეთა კი მსოფლიო რეაქციის საქმე. ბოლშევიზმმა თვის ლოკურ განვითარებას მიაღწია, რეაქციის ბანაკში დაბანაკდა. თავის ისტორია მან რევოლიუციის «გაღრმავებით» დაიწყო და ეხლა მისი დესამარებით ათავებს.

კ—ვი.

საქართველოს საპიოთხი პანისი კონფერენსიაზე.

კანისი კონფერენციის გახსნის დღეს ნ იანვარს, საქართველოს რესპუბლიკის მთავრობამ წარუდგინა უმაღლეს საბჭოს ნოტა, რომელშიაც მათ ყურადღებას აქცევს იმ გარემოებას, რომ არსებობს მკიდრო კავშირი რუსეთის საქმეების გარკვევის საკითხსა და საქართველოს საკითხს შორის, რომლის ტერიტორია დაკავებულია დღეს მოსკოვის ჯარებისაგან.

ამ ნოტაში სწერია: საქართველოს დაკავების შემდეგ ბოლშევიკების მიერ დაყენებული «საბჭოთა საქართველოს მთავრობა» ნამდვილათ წარმოდგენს მხოლოდ სამხედრო ოკუპაციის მთავრობას, რომელსაც არაფერი აქვს საერთო ქართველ ხალხთან და ემყარება მხოლოდ რუსეთის საბჭოთა ჯარის ხიმტებს, მან გააუქმა ერის წარმომადგენლობითი ორგანოები და ადგილობრივი თვითმართველობანი, და მართავს ქვეყანას ტერორის და ჩეკების საშუალებით; ფართეთ აწარმოებენ ტერორს, ატუსაღებენ ყველა კლასის და პარტიის წარმომადგენლებს,

ათასობით მოქალაქეებს აცხადებენ საშიშარ პირებათ და უცხოეთში ასახლებენ; საზოგადოებრივ პროტესტების ყოველ გამოხატულებას, პოლიტიკურ გაფიცვებს, თუ ხალხის აჯანყებებს საშინელი ძალმომრეობით ახრჩობენ და სხვ.

ქართველი ერის მიერ საყოველთაო საარჩევნო წესით თავისუფლათ არჩეული დამფუძნებელი კრებისაგან წარმოშობილი საქართველოს მთავრობა, რომელიც დღიდან დამოუკიდებლობის გამოცხადებისა უდგია სათავეში საქართველოს რესპუბლიკას და რომელიც ცნობილია ყველა სახელმწიფოებში, რომელთაგან იურიდიულათ იქნა ცნობილი საქართველოს რესპუბლიკა; არის ერთათ-ერთი კანონიერი წარმომადგენელი ქართველი ერის ნების-ყოფის, და სრულუფლებიანი დამცველი მისი უფლებისა და ინტერესების საერთაშორისო ასპარეზზე.

და როგორც ასეთი, საქართველოს მთავრობა სთხოვს უმაღლეს საბჭოს, რომ მან საბჭოთა რუსეთთან მოკავშირეთა პოლიტიკური და ეკონომიური ურთიერთობის გარკვევის დროს იმ პირობებ შორის, რომელსაც წაუყენებენ საბჭოთა მთავრობას საერთაშორისო საქმეებში მისი ლოიალობის უზრუნველსაყოფათ, დაურთონ ერთი მუხლი: მოსკოვის მთავრობის ვალდებულება—გაიყვანოს თავისი ჯარი საქართველოდან და ამით აღუდგინოს ქართველ ერს უფლება თვით განავს თავის ბედი.

შემდეგ ნოტაში, რომელსაც ხელს აწერს ნ. ყორდანია, გამოთქმულია ღრმა რწმენა იმის, რომ საქართველოს მოთხოვნილება დაკმაყოფილებული იქნება, რადგან მის სასარგებლოთ ლაპარაკობს არა მარტო უდლება ქართველი ერის, რომელიც ასე მხეტურათ გასთელეს ფეხქვეშ ბოლშევიკებმა, არა მარტო პრინციპები საერთაშორისო სამართლის, არამედ აგრეთვე თვით ინტერესები საყოველთაო მშვიდობიანობის, რომელიც არ შეიძლება უზრუნველყოფილათ ჩაითვალოს, სანამ დიდ იმპერიალისტურ მეზობელს შეელება ექნება პატარა მშვიდობიანი სახელმწიფო იარაღით დაიპყროს და ამის გამო განათლებულ სახელმწიფოებისგან ერთსულოვან პროტესტს არ მიიღებს.

ამავე დროს საქართველოს ელჩმა ა. ჩხენკელმა წარუდგინა კონფერენციის ეკონომიურ კომისიას ნოტა, რომელშიაც აღნიშნულია საქართველოს აღდგენის განსაკუთრებული პირობები.



1) 1921 წლის თებერვლამდე, როდესაც საქართველო აწიოკებული იქნა საბჭოთა რუსეთის ჯარების მიერ, ჩვენი ქვეყნის ეკონომიური ცხოვრება ნორმალური და სალი განვითარების გზით მიდიოდა ქართველი ხალხის ყველა ძალებისა და ევროპის კაპიტალის შეთანხმებული თანამშრომლობით. ბოლშევიკების შემოსევამ ერთბაშით მოუღო ბოლო ამათ მუშაობას.

და რომ იგი კვლავ განახლდეს, უპირველეს ყოვლისა საჭიროა აღდგენა იმ ნორმალური წესების, რომელიც უცხოელების შემოჭრამ დაანგრა.

2) ეკონომიური მდგომარეობა საქართველოს რესპუბლიკის, სადაც ხალხი ყოველთვის იყო და არის წინააღმდეგი ბოლშევიზმის, სადაც ამ უკანასკნელთა ძალა-უფლება მხოლოდ 1921 წელში იქნა შემოღებული უცხო ხიშტების საშვალებით, და მხოლოდ მათ ეყრდნობა, სრულიად განსხვავდება საბჭოთა რუსეთის მდგომარეობისაგან, სადაც ბოლშევიზმი უკვე 4 წელიწადია ბატონობს. საქართველოში ამის გამო, ბოლშევიზმმა ვერ მოასწრო ჯერ კიდევ ყველა ეკონომიური ძალების განადგურება და კერძოთ ვერ შესძლო თავის გამხრწნელი გავლენის მოხდენა ხალხზე და მათში შრომის უნარის და დისციპლინის ჩახშობა. რუსეთთან ერთად ერთ და იმავე ეკონომიურ სისტემაში ჩაყენება საქართველოსი მოგვეცემა მხოლოდ ამ ქვეყანაშიც იმ ქალის გავრცელებას, რომელიც მეფობს რუსეთში.

მაშასადამე ევროპის ეკონომიური აღდგენის

საკითხის განხილვის დროს საქართველოს საკითხი და უფრო ფართოთ, კავკასიის საკითხი უნდა სრულიად განცალკევებულათ დაისვას რუსეთის საკითხისგან.

3) თუ ეს პირობები მიღებულ იქნება, საქართველო და საერთოთ მთელი კავკასია სულ ახლო მომავალში შესძლებენ მნიშვნელოვანი როლი ითამაშონ ევროპის ეკონომიურ ცხოვრებაში თავის ბუნებრივი სიმდიდრის (მარგანეცი, ნავთი, აპრეშუმი, მატყლი, ბამბა, ტყე და სხვ.) და მოხერხებული საქსპორტო პირობების გამო (შავი ზღვის ნავთსადგურები, ნავთსადენი ბაქა-ბათუმის შუა).

ამისდა მიხედვით, საქართველოს მთავრობა მოითხოვს:

1) რომ საბჭოთა რუსეთის ჯარების გაგენა საქართველოდან და საერთოთ კავკასიის რესპუბლიკებიდან მიღებულ იქნას, როგორც წინასწარი პირობა ევროპისა და კავკასიის ეკონომიურ თანამშრომლობისათვის. 2) რომ საქართველოს და კავკასიის სხვა რესპუბლიკათა კანონიერი წარმომადგენელი მოწვეულ იქნენ კონფერენციაზე მონაწილეობის მისაღებათ ყველა იმ საკითხების განხილვასა და შესწავლაში, რომელნიც კავკასიის ეკონომიურ ინტერესებს ეხებიან.

საქართველოს იმედი აქვს, რომ მის მოთხოვნილებას ყველა სახელმწიფოები მხარს დაუჭერენ და თავის მორალურ დახმარებას არ დაიშურებენ იმ ქვეყნისთვის, რომელიც მხოლოდ სამართლიანობას თხოულობს ბოლშევიკურ იმპერიალიზმის ძალადობის წინააღმდეგ.

რუსეთის კლბანის საკითხი.

რუსეთის მნიშვნელობა. ანტანტის მართველი წრეები ბოლოს დარწმუნდნენ, რომ ევროპის ეკონომიური აღორძინებისთვის აუცილებლათ საჭირო არის რუსეთის ნედლი მასალა და ბაზარი. ამის შესახებ მოკავშირეთა შორის აზრთა სხვადასხვაობა არ არსებობს. უთანხმოებას იწვევს მხოლოდ რუსეთის ექსპლუატაციის ფორმა და საბჭ. მთავრობასთან დამოკიდებულების საკითხი. ინგლისის მთავრობა ლოიდ-ჯორჯის სახით მომხრეა რუსეთის ეკონომიურათ აღდგენის საქმეში მონაწილეობა მიიღოს გერმანიამ, მისცენ ამ უკანასკნელს მოკავშირეებმა საშვალეობა რუსეთის ექსპლუატაციის რაც გაუადვილებს მას ვერსალის პირობების შესრულებას. ლოიდ-ჯორჯი მომხრეა აგრეთვე იცნონ საბჭოთა მთავრობა, თუ კი ეს უკანასკნელი შეასრულებს მოკავშირეების მიერ წარდგენილ პირობებს. საფრანგეთი ამის წინააღ-

დეგია, რადგან მას ძლიერ აშინებს გერმანიის გაძლიერება რუსეთის ხარჯზე და აგრეთვე არ უნდა ბოლშევიკების მთავრობის ცნობა ისე, თუ საბჭოთა მთავრობა არ მისცემს მოკავშირეთ «საკმაო გარანტიებს». ამ პოლიტიკას ადგა უკანასკნელ დრომდის ბრიანიცი. ხოლო ბოლოს იგი დაეთანხმა ლოიდ-ჯორჯს, რამაც გამოიწვია მისი გადადგომა.

უმალღესი საბჭოს დადგენილება. კანაში უმალღესი საბჭოს სხდომაზე ლოიდ-ჯორჯის პოლიტიკამ გაიმარჯვა. ნ იანვრის სხდომაზე საბჭომ შემდეგი რეზოლიუცია მიიღო: «მოკავშირე სახელმწიფოები ერთსულოვნათ ფიქრობენ, რომ აუცილებელ საჭიროებას წარმოადგენს მარტის პირველ რიცხვებისთვის მოწვეული იქნეს ეკონომიური და ფინანსიური კონფერენცია, რომელზედაც მონაწილეობა უნდა მიიღონ ევროპის ყველა სახელმწიფოებმა, მათ

შორის გერმანიამ, ავსტრიამ, უნგრეთმა, ბოლგარიამ და რუსეთმა. და თუ რუსეთის დღევანდელი მთავრობა რუსეთთან ვაჭრობის განვითარების უზრუნველყოფისთვის, პოლიტიკის, რომ იგი ოფიციალურად ცნობილი იქნეს, — მოკავშირენი მას ვერ იცნობენ მანამ, სანამ საბჭოთა მთავრობა არ მიიღებს შემდეგ პირობებს: 1) სახელმწიფო ვალების ცნობა და მისი გარანტიებით უზრუნველ ყოფა, უცხო სახელმწიფო მოქალაქეთა ქონების ანაზღაურება, რომელიც რეკვიზიციის, კონფისკაციისა და სეკვისტრაციის სახით ჩამოერთვით მათ. 2) დამატარება რუსეთში ისეთი კანონიერი წესების, სისტემის, რომელიც უზრუნველ ფიქსირებს საგარეო ვალდებულებათა და სხვა ხელშეკრულებათა შესრულებას. 3) შეწყვეტა ყოველგვარი პროპაგანდის მოკავშირე სახელმწიფოებში არსებულ წესწყობილების წინააღმდეგ. 4) ვალდებულების მიღება, რომ საბჭოთა რუსეთი არ დაესხმის თავს მეზობელ სახელმწიფოებს და სხვა».

კრასინის აზრი. კრასინმა «ტიამისს» თანამშრომელს საუბრის დროს უთხრა: საბჭოთა რუსეთი მიიღებს ვალდებულებებს მხოლოდ მას შემდეგ, რა რომ მას ოფიციალურათ იცნობენ, ისე კი ყოველივე ლაპარაკი უშედეგო იქნება. გარდა ამისა, მისი აზრით კონსოლიდირების კაპიტალი 20 მილიონი გირვანქა სტერლინგი რუსეთის აღსადგენათ ძლიერ ცოტა არის, მას მეტი დახმარება ეჭირება და თუ ვეროპა ეხლა მიეშველება რუსეთის გლახს, მერე რამდენიმე წლის შემდეგ მას შეეძლება გაიტანოს რუსეთიდან პური და სხვა პროდუქტებიო.

გერმანიის დელეგაცია. 9 იანვარს პარიზში ჩავიდა რატენაუს მეთაურობით გერმანიის დელეგაცია. იგი 16 კაცისგან შედგება. დელეგაცია ამავე დღეს გაემგზავრა კანაში. გერმანელებს იმედი აქვთ, რომ მომავალი ეკონომიური კონფერენცია მიიღებს მათ გვემას რუსეთის აღდგენის შესახებ.

ამერიკის პოზიცია. შეერთებული შტატების პოზიცია დღემდის გაურკვეველია. კანაში მისი წარმომადგენელი არავითარ აქტიურ მონაწილეობას არ იღებდა. უკანასკნელი ცნობით შეერთებული შტატების მთავრობამ უარი განაცხადა გაგზავნოს თავის წარმომადგენელი გენუის კონფერენციას და ბოლშევიკებთან ერთათ მიიღოს მასში მონაწილეობა.

ამერიკელი მუშების პროტესტი. სტატ-სეკრეტარმა იუზამ მიიღო მრავალი საპროტესტო დეპეშები გენუის მომავალ კონფერენციის შესახებ. მათ შეუძლებლათ მიაჩნიათ ამერიკამ საბჭ. რუსეთის წარმომადგენლებთან ერთათ

მიიღოს მასში მონაწილეობა. ყველაზე უფრო მაკრი პროტესტი იუზამ მიიღო ამერიკის შრომის ფედერაციის თავმჯდომარესაგან გამპერსიდან. იგი ამერიკის მუშების ცნობილი ლიდერია.

რუსეთის დემოკრატიის პროტესტი. რუსეთის დემოკრატიის სახელით პროტესტი განაცხადა რუსეთის დამ. კრების წევრების აღმსარებლებმა კომისიამ. იგი თავის მიმართვაში სხვათა შორის სწერს: «აღმსარებლები კომისია ვალდებულათ სთვლის თავის თავს მიუთითოს იმ მეტათ საშინელ საშიშროებაზე, რომელიც შედეგათ მოცემა იმ «ეკონომიურ ინტერვენციას», რომელიც რუსეთის მიმართ უნდათ განახორციელონ და რომელიც ნიშნავს ომის მიერ გამოწვეული ზარალის დიდი ნაწილის რუსეთის ხარჯზე ანაზღაურებას. ამიტომ საჩვენებლათ ვაცხადებთ, რომ ბოლშევიკური მთავრობა ვერ გახდება რუსეთის ხალხის სურვილის გამომხატველი იმით, რომ იგი მოკავშირეებმა იცნონ, რომ ყოველგვარი ხელშეკრულება დადებული ბოლშევიკებთან რუსეთის ხალხის მიერ უარყოფილი იქნება და ყოველივე ცდა რუსეთის ეკონომიურათ აღდგენის შესახებ უნაყოფო იქნება მანამ, სანამ ბოლშევიკებს არ შესცვლის ხალხის კანონიერი მთავრობა».

რუსეთის მრეწველთა პროტესტი. პარიზში 5 იანვრის სხდომაზე სახლვარ-გარეთ მყოფ რუსეთის ვაჭარ-მრეწველ-ფინანსისტთა კავშირმა იქონია თათბირი რუსეთის «ეკონომიური ინტერვენციის» შესახებ და დაადგინა—რუსეთის ვაჭარ-მრეწველ-ფინანსისტები კვლავ აცხადებენ, რომ რუსეთში არავითარი ეკონომიური აღორძინება არ შეიძლება მინამ სანამ იქ არ დამატრებულა უფლებრივი სახელმწიფოებრივი წესი, რომ ისინი არ მიიღებენ არავითარ პასუხისმგებლობას იმ ხელშეკრულებებით, რომელთაც მოკავშირენი დადებენ ბოლშევიკებთან და რომ მათ ყოველგვარი ასეთი მოლაპარაკებანი და ხელშეკრულებანი მიაჩნიათ უკანონოთ და უსამართლოთ.

მილიუკოვის გაზეთის აზრი. მილიუკოვის გაზეთი «პოს. ნოვოსტია» სწერს: ევროპაში სურთ გამოსჭრან ახალი, ეკონომიურათ განმარტოვებული სხეული, სადაც ხელოვნურათ შეაფერხებენ მისი საკუთარი საწარმოვო ძალეების განვითარებას. ეს არის რუსეთი. და აი ამ ეკონომიურათ განმარტოვებულ სამეურნეო ორგანიზმს აძლევენ სასარგებლოთ ევროპის სამრეწველო ქვეყნებს. ამ გვარათ რუსეთი ხდება რალაც აფრიკის დავარ კოლონიათ, რომელსაც ექსპლოატაციის უშვებიან დამპყრობელები. ცივლა «ბლოკადაზე» უფრო მძიმე და აუტანელი ეს «ბლოკადა» არის რუსეთისთვისო.



საქართველო და ევროპა.

ახალი გადატრიალება კავკასიაში.

ბელგიის გამოჩენილი სოციალისტი დებრიუკერი გაზეთ «ლ პეუპლის» 14 დეკემბრის ნომერში კავკასიის რესპუბლიკების ფედერაციის შესახებ სწერს:

«რამდენიმე დღის წინეთ, კონსტანტინოპოლში გავრცელებული ხმების მიხედვით, გაზეთი «ტიმესი» აცხადებდა: რუსეთის ბოლშევიკურმა მთავრობამ მოახდინა ანექსია—საქართველოს, სომხეთისა და აზერბეიჯანის რესპუბლიკებისო. საქართველოს საელჩოს მიერ გამოგზავნილი დეპეშა დაახლოვებით ამასავე იმეორებს და ამტკიცებს.

ცხადია, 8 ნოემბერს გამოქვეყნებული დადგენილებით «კავბიურო» სპობს კავკასიის რესპუბლიკების დამოუკიდებლობას. ამ ქამათ მას ხალხური მოძრაობის გარეგნულ სახესაც აღარ აძლევენ. გასასამართლებელ საბუთათ აღარ მოაქვთ არც ის ხელშეკრულებები, რომელნიც დადებული იყვნენ იმ მკრთალ «დამოუკიდებელ მთავრობათა» შორის, რომელნიც თფილისში, ბაქოში და ერევანში არიან. საბუთათ აღარ იცნებენ არც ადგილობრივ ბოლშევიკურ პარტიების დადგენილებებს. ჰავასის სააგენტოს ცნობით, კომუნისტური პარტიის ცენტრი, რომელიც რუსეთს განაგებს დღეს, თავისი «კავბიუროს» საშვალებით დამოუკიდებლათ ადგენს და ანდოზს კავკასიის მთავრობის მართვას მის მიერ დანიშნულ თავმჯდომარეს და თუ ჩვენ მხედველობაში მივიღებთ იმას, რომ ეს «თავმჯდომარე» არის იმავე დროს წითელ არმიის მთავარ-სარდალი, რომელიც საოუკუპაციო ჯარებს ბრძანებლობს, მაშინ ჩვენთვის ნათელი ხდება ამ აქტის მნიშვნელობაც.

საჭიროა მოვიგონოთ ის, რომ ბოლშევიკურმა რუსეთმა ხელშეკრულება დასდო აზერბეიჯანთან და მით უზრუნველჰყო მისი დამოუკიდებლობა ჯერ კიდევ მანამ, სანამ იგი მას შეესოფდა და დაიპყრობდა; რომ მან აგრეთვე უზრუნველჰყო სომხეთის რესპუბლიკის მთლიანობა ჯერ კიდევ მანამ, სანამ მას თავის ჯარებს შეუსევდა ასაწიოკებლათ. საჭიროა მოვიგონოთ ის, რომ მოსკოვის მთავრობას ორჯერ ჰქონდა ნაცნობი საქართველოს დამოუკიდებლობა მანამდის, სანამ იგი თავის მე-11 არმიას გაგზავნიდა მის დასაპყრობლათ.

ჩვენ კარგი ხანია ვიცით თუ რა ღირებულეობაც აქვს მოსკოვის სიტყვას. მაგრამ ჩვენ მაინც ვფიქრობდით, რომ ბოლშევიკები თავის-თავის გასამართლებლათ ამ რესპუბლიკების ფიქციას მაინც დასტოვებდენ, და ამ გზას დაადგებოდენ მხოლოდ მას შემდეგ, რა რომ იქ «პროლეტარულ რევოლიუციას» მოაწყობდენ, სადაც აჯანცებულთა როლს საოუკუპაციო ჯარები შეასრულებდენ და ამ სახით ერთიანათ მიიღებდენ კანონიერ მთავრობათა მემკვიდრეობას.

მაგრამ ბოლშევიკები ასე არ მოიქცენ. ნუ თუ მათ ეროვნული დამოუკიდებლობის ასეთი აჩრდილიც აშინებს?! ნუ თუ თავისუფლების სივარული ისეთი მძლავრია ერთა გულში, რომ მისი გაღვივების გარეგნული ფორმების მოჩვენებითაც ეშინიათ? ნუ თუ ცველა ამის მაგიერ მათ იფიქრეს, რომ დრო დადგა, როცა ცველაფრის ჩადენა შეიძლება, როცა გაღებულ მსხვერპლებსაც აბუჩათ აიგდებენ და აღარაფერს დამალავდენ? ამის თქმა ძლიერ ძნელია. პირველ შეხედვით ეს აქტი დაურიღებლობას ნიშნავს. შესაძლებელი კია, რომ ეს ნამდვილათ სიგიჟე იყოს და ერთხელ კიდევ გამართლდეს თქმულება: იუპიტერი ჯერ ჰკუას ართმევს მას, ვისი დაღუპვაც მას უნდაო.

ფედერატიული რესპუბლიკა! ამ ახალი სიტყვის მნიშვნელობა რომ გავიგოთ, ამისთვის საკმარისია გავისენოთ პიროვნება იმ რუსი გენერლისა, რომელმაც ეს რესპუბლიკა უნდა განაგოს და მივიღოთ მხედველობაში ის გარემოებაც, რომ ბაქოს ნავთის მართველობა პირდაპირ მოსკოვს ემორჩილება და რომ ამ გამგეობას მოსკოვი გზავნის.

გარდა ამისა, მიღებული ცნობებით, ბოლშევიკები ლაპარაკობენ არა ფედერატიულ რესპუბლიკაზე, არამედ მხოლოდ ფედერატიულ მთავრობაზე. ეს კი იქნება მთავრობა, რომლის დამოუკიდებლობაც არ გასცილდება მას, რომელიც კავკასიის ერებს ჰქონდათ მაშინ, როცა თჰილისის სასახლეში წითელი გენერლის მაგიერ დიდი მთავარი ნიკოლოზი იჯდა.

მაგრამ არ უნდა დავივიწყოთ, რომ დიდი მთავარი გაისტუმრეს!...

ლუი დებრიუკერი.

ქართველი მუზა ხალხისთვის, რომელსაც ტროცკის ჯარაბი ამოვიწვევ და ხოცავენ.

ასეთი სათურით უძღვნის ვრცელ წერილს საქართველოს მუშებს და საერთოთ ქართველ ხალხს საფრანგეთის სინდიკალისტების გაზეთი «ლ ატელიე» (სახელოსნო), რომელიც საქართველოში გამეფებულ ბოლშევიკურ ტერორის გამო ძლიერ აღშოშობებულია.

რუსეთის კომუნისტები და მათი ევროპიელი ამხანაგები, სწერს გაზეთი, არ უშვებენ შემთხვევას და საქვეყნო პროტესტებს აცხადებენ ყოველთვის, როცა მათ წინააღმდეგ კაპიტალისტური სახელმწიფოანი ძალმომრეობას სჩადიან. მაგალითათ გაზეთ «ჰუმანიტესს» 2 ნომბრის ნომერში ვკითხულობთ, რომ ჩიჩერინმა და რაკოვსკიმ ნოტი მიმართა რუმინის მთავრობას და მოსთხოვა ხელშეკრულებისა და ადამიანობის დაცვა და აგრეთვე რეპრესიების შეჩერება კომუნისტების წინააღმდეგ.

ეს ძლიერ კარგია და ჩვენც ჩიჩერინთან და თვით «ჰუმანიტესთან» ერთათ პროტესტს ვაცხადებთ იმ ტერორისა და რეპრესიების წინააღმდეგ, რომელსაც რუმინის მთავრობა სოციალისტებისა და კომუნისტების წინააღმდეგ აწარმოებს.

მაგრამ ამავე დროს საჭიროა იგივე მოვსთხოვოთ ჩიჩერინსა და მის მთავრობას საქართველოს შესახებ, სადაც გამეფებულია ტერორი, მომსპარია ყოველგვარი თავისუფლება, სავსეა ციხეები გამოჩენილი რევოლუციონერებით და მოწინავე მუშებითა და გლეხებით, სადაც ამა წლის ოქტომბერში დაატუსადეს მუშათა დელეგაცია, სადაც სოფლებში ეგზეკუციებია და ტროცკის წითელი არმიელები მთელ ქართველ ხალხს ავიწროებს და სხვა. ერთი სიტყვით, გაზეთი დაწერილებით აღნიშნავს საქართველოში მომხდარ ამბებს, ბოლშევიკების სისაძაგლეს და ბოლოს ამბობს: აქედან ცხადია თუ როგორ იქცვიან საქართველოში მოსკოვის აგენტები. ამიტომ ჩვენ გვაქვს უფლება ვუთხრათ იმ ხალხს, რომელნიც მხარს უჭერენ მოსკოვის მთავრობასა და მის აგენტებს საქართველოს აწიოკებაში, რომლის ერთათ-ერთი დანაშაული მხოლოდ ის არის, რომ იგი სოციალისტურია, რომ თქვენ არ გაქვთ არავითარი ზნეობრივი უფლება განაცხადოთ პროტესტი იმ ძალმომ-

რეობისა და ტერორის წინააღმდეგ, რომელსაც სჩადის რუმინის კაპიტალისტური მთავრობა.

ჩვენ კი, რომელნიც ყოველთვის ვიმაღლებდით ხმას ყოველი მთავრობის ტერორის წინააღმდეგ, ვხლავ გვაქვს უფლება განაცხადოთ პროტესტი რუმინელ კომუნისტების მკვლელობის გამო, რომელსაც რუმინის მთავრობა აწარმოებს.

მაგრამ ამავე დროს ჩვენ პროტესტს ვაცხადებთ ყველა იმ ძალმომრეობის წინააღმდეგ, რომელსაც საქართველოში სჩადის საბჭოთა მთავრობა, რომელიც იჭერს, სდევნის და ხერხებს სოციალისტებსა და დამოუკიდებლობის დამცველთ. ჩვენ პროტესტს ვუცხადებთ აგრეთვე ყველა იმათ, რომელნიც თავისი სიჩუმით მონაწილენი ხდებიან საქართველოში მომხდარ ამბებისა. მათ აქვთ მხოლოდ ერთი უფლება: ეს არის სიჩუმე.

თუ რა კომედიას თამაშობს კომუნისტური ინტერნაციონალი საქართველოს საქმეებში, დასკვნის გაზეთი, ამას ცალკე გავარკვევთ.

ევგენი გრენიე საქართ. შესახებ.

გამოჩენილი ჟურნალისტი ევგენი გრენიე ფრანგული გაზეთის «თავისუფალი საფრანგეთის» გასული წლის 20 დეკემბრის ნომერში სწერს:

«საქართველოს წამებულმა ერმა განცვიფრება გამოიწვია მთელს განათლებულ კაცობრიობაში. განსაცდელის დღეებშიც იგი შეუდრეკელათ იცავს თავის სპეტაკსა და შეუბღალავ დირსებას და სამარცხვინო ბოძზე აკრავს თავდამსხმელებისა და ოკუპაციის გმირებს.

საფრანგეთის კომუნისტები, როგორც არიან კაშენი, ფროსარი და სხვანი, ძლიერ შეწუხებულნი უნდა იყვენ მაშინ, როცა მათთან საქართველოს შესახებ ლაპარაკობენ.

აბა რა განსხვავება იქნება მოსკოვის დიქტატორების მიერ საქართველოსადმი ჩადენილ ძალმომრეობასა და იმ შეიარაღებულ ინტერვენციის შორის, რომელსაც მიზნათ ექნება რუსეთში ძველი რეჟიმის აღდგენა?

«ერთა უფლებები», როგორც ეს სოციალისტს უნდა ესმოდეს, ვერ შეიცვლება ქვეყნის, მთავრობისა და ადგილების მიხედვით. ეს უფლებები ჩვენთვის სრული და ხელუხლებლნი არიან.



და თუ ეს ასეა, მაშინ როგორ უნდა დავა-
ფასოთ მოსკოვის კომუნისტების მოქმედება,
რომლებმაც ძალით მოახვიეს თავზე ბოლშევი-
კური მთავრობა საქართველოს?

და რა გუთხრათ ჩვენ იმ ხალხს, რომელნიც
სხვა და სხვა ქვეყნებში ასეთ მოქმედებებს მხარს
უჭერენ?

მათ კარგათ იციან, რომ საქართველოს თავ-
ისუფალი არჩევნების საშვალებით არჩეული
ყავდა სოციალისტური მთავრობა, მას მცხოვ-
რებთა 90% უჭერდა მხარს და დავალებული
ჰქონდა ეზრუნა ქვეყნის დამოუკიდებლობასა
და თავისუფლებასზე.

ამ პირობებში, რომელიც ცველა ჩვენგანმა
იცის, როგორ შეიძლება ვინმემ სოციალისტობა,
ან კომუნისტობა დაიჩემოს და ამავე დროს მთე-
ლი თავისი შეგნებითა და ენერჯით არ განა-
ცხადოს პროტესტი ბოლშევიკების საქართვე-
ლოში მოქმედების შესახებ.

უკანასკნელი ამბები, რომელთაც ჰქონდა
ადგილი საქართველოში 24 ოქტომბრიდან 4
ნოემბრამდის, სრულიად საკმარისი უნდა იყოს
იმისთვის, რომ ყოველი სინდისიერი და რევი-
ლიუციონერი ადამიანი ამხედროს მოსკოვის
დიქტატორებს თვითმპყრობელების წინააღმ-
დეგ.

ამის შემდეგ ავტორი დაწვრილებით მოვი-
თხრობს საქართველოში მომხდარ უკანასკნ
ამბებს და ბოლშევიკების ძალადობის შესახებ
ამბობს: ცხადია, ეს ბოროტმოქმედება შეუძ-
ლებლათ და მხეცურათ სწარმოებს საქართვე-
ლოს წინააღმდეგ. მეორეს მხრიდან იგი იწვევს
შესაფერ წინააღმდეგობას. სოციალიზმისთვის
თავდადებული ქართველები არ იხევენ უკან
თავისი მოვალეობის წინაშე. მათ მსხვერპლათ
მიაქვთ თავისი პირადი თავისუფლება, სი-
ცოცხლე და სხვა და სხვა სახით მოითხოვენ
საქართველოს გარდაუვალ უფლებებს.

სოციალისტების ვალია ამის გამო ხმა მალ-
ლა განეცხადოთ სასტიკი პროტესტი, რომე-
ლიც ამავე დროს იქნება გამოძახილი საქარ-
თველოს პროტესტისა და დაჟინებით მოვი-
ხოვოთ მისი აღდგენა თავის უფლებებში.

ჩვენი რწმენაა, რომ საქართველოს მომავალი
ისეთია, რომ მის შესახებ ბოლოს, თვით კომუ-
ნისტური პარტიიდან აღიმადლება ხმა, რომე-
ლიც ჩვენთან ერთად იცნობს საქართველოს
მოთხოვნილებათა სამართლიანობას.

ქეზმარტათ რომ ეს ასე იქნება, ვინაიდან
დასავლეთ ევროპაში უკვე დაიწყო კომუნის-
ტების ცალკე მოძრაობა, რომელიც მოსკოვის
დიქტატორების მოქმედებას სასტიკათ გმობს.
ცხადია, ისინი გარდა მოსკოვის მიერ მოსცი-
დლები, საქართველოს დემოკრატიის სამარ-
თლიან მოთხოვნილებას დაუჭერენ მხარს.

საქართველოში.

ზემო აღნიშნული სათაურით ბრიუსელის გა-
ზეთ „დე პუბლიკი“ მოთავსებულია შემდეგი
წერილი:

ჩვენ ვიცით, ამბობს გაზეთი, თუ რამდენათ
ტირანიულია ბოლშევიკთა ბატონობა ამ უბე-
დურ ქვეყანაში და რამდენათ ცალბია ის დიქ-
ცია, რომლის მიხედვით საქართველოს თითქმის
«საბჭოთა ხელის უღლება» მართავდეს. იგი
უბრალო ნილაბი არის, რომლის უკანაც მოს-
კოვი იმალება. მაგრამ ნილაბი ცვდება და ბევრ
ადგილას ნამდვილი სახე მოსჩანს. დიქცია იმ-
დენათ გაქარწყლდა, რომ ეხლა ჩვენ საქართვე-
ლოში ვხედავთ მარტო იმ მთავრობას, რომე-
ლიც მხოლოდ რუსეთის მე-11 არმიის ხიშტე-
ბის საშვალებით ბატონობს, ისე როგორც მო-
სკოვის მთავრობა დანარჩენ წითელ არმიელთა
ხიშტების საშვალებით არსებობს.

ჩვენ ერთხელ უკვე აღვნიშნეთ საქართველოს
მუშების ბრძოლა და მისი ისტორია. ისინი
ძველებური თავდადებით იბრძვიან დემოკრატი-
ისა და სოციალიზმისთვის. ბოლშევიკებს ეს
არ ასვენებთ. ისინი არ კმაყოფილდებიან მა-
სურით დაპატივრებით და სხვა ასეთი რეპრე-
სიებით, და ეხლა როგორც ხმები დადის, მათ
განზრახვა აქვთ ქართველი რევოლიუციონერე-
ბი რუსეთში გადასახლონ.

ამის შემდეგ გაზეთი დაწვრილებით ასწერს
რა საშინელება მოვილით, თუ ეს ხმები გამარ-
თლდა, გადასახლებულთ რუსეთში და ამბობს:
ეს არის ის მწარე ხანა, როდესაც რომელიმე
ერთი თავის ეროვნულ უფლებათა შორის, ერთ
უპირველეს მოთხოვნილებათ აცენებს, რომ ის
პირები, რომელნიც სხვა პოლიტიკური რწმე-
ნის არიან, ვინემ დღევანდელნი მფლობარეობის
ბატონ-პატონი, იცვენ მოთავსებულნი თავიანთ
სამშობლოს ციხეებში.

მართალია პირობები აუტანელი შეიქნა,
ხალხი ძნელათ უმკლავდება იმ განსაცდელს,
რომელიც აქეზებს მას, რომ ძალით მოიშო-



როს თავიდან ის უსინდისო უზურპატორები, რომელთაც ვერაფერს სიტყვით ვერ შეასმენ. მაგრამ ბოლშევიკებსაც ეს უნდათ. ისინი განგებ იწვევენ ხალხს აჯანყებისკენ, რადგან ემყარებიან შეიარაღებული ჯარების უპირატესობას. მათ უნდათ გამოიწვიონ სისხლის ღვრა, რათა სისხლში ჩააღრჩონ ამაყი ერი საბოლოოთ და მემრე უსიტყვოთ დაიმორჩილონ. მაგრამ ბოლშევიკები ცდებიან. ხშირათ პრეტორიანელთა არმია ირღვევა. ძალათ შეკრებილ ჯარს ბოლოს და ბოლოს მობეზრდება ომი იმ მიზნისთვის, რომელიც მისთვის უცხოა. არ არის მართალი, რომ თითქოს რამდენიმე კონუნისტი ტერორის საშვალებით მუდამ შესძლებს პატარა ერებისა და ხალხის დამორჩილებას.

მოსკოვს კავკასიის ქედს იქითაც ბევრი აქვს თავსატეხი, რომ ახალი არ გაიჩინოს. მათ შეეძლოთ მშვიდობიანათ ეცხოვრათ თავის მეზობელ ქართველ ერთან. ეს უკანასკნელი არასოდეს არ ფიქრობდა მის მტრობას. ბოლშევიკებს დღესაც შეუძლიათ ეს. მარა ისინი ვერ ხვდებიან იმ აუცილებლობას, რომელიც ადრე თუ გვიან უნდა მოხდეს. მით უარესი მათთვის. ქარის დამთესავნი, ქარიშხალს მოიძიკიან».

ინგლისის მუშათა პარტია და საქართველო.

ინგლისის მუშათა პარტია თავიდანვე დიდის ყურადღებით მოეკიდა საქართველოს განთავისუფლების საკითხს და იგი მას დღესაც განაგრძობს. ერთ-ერთ თავის უკანასკნელ სხდომაზე ინგლისის მუშათა პარტიის აღმასრულებელმა კომიტეტმა საქართველოს შესახებ მიიღო იგივე რეზოლიუცია, რომელიც გამოიტანა მეორე ინტერნაციონალის აღმასრულებელმა კომიტეტმა ამ საკითხის შესახებ 22 ნოემბერს ქ. ბრიუსელში. (იხ. «თავ. საქართ.» № 13). ინგლისელი ამხანაგები გადაჭრით მოითხოვენ რუსეთის მთავრობისგან საქართველოდან ჯარების გაყვანას და ქართველი ერის უფლებების დაცვას, თუ კი მოსკოვის მთავრობასაც სურს, რომ იგი იქნეს ცნობილი ევროპის სახელმწიფოებიდან.

მუშათა პარტიის აღმ. კომიტეტმა თავისი დადგენილების პირი გადასცა ლონდონში მყოფ საბჭოთა მთავრობის წარმომადგენელს მოსკოვში გადასაგზავნათ.

საბჭოთა არჩევნები დაპყრობილ საქართველოში.

გაზეთი «თავის. საფრანგეთი» 21 დეკემბრის ნომერში სწერს: დეკემბრის პირველ რიცხვებისთვის ბოლშევიკებმა საქართველოში დანიშნეს საბჭოს არჩევნები, რომელიც რუსის ჯარის მიერ საქართველოს დაპყრობის შემდეგ გაუქმებული იყო. საარჩევნო დეკრეტის ძალით არჩევნები ფარული არ არის, ხელის აწევით ხდება და სოციალისტებსა და სხვა ოპოზიციონურ პარტიებს არ აქვთ უფლება თავისი კანდიდატების სიის წამოყენების. წინააღმდეგ არის ნათქვამი, რომ რევკომი არ დაამტკიცებს არა კომუნისტო. მეორეს მხრით არჩევნებში მონაწილეობის მიღების უფლება აქვთ ყველა უცხო ელემენტებს--აფიცრებს, საოკუპაციო ჯარს, რუსის მოხელეებს და აგრეთვე ვოლგის მხრიდან გადმოსახლებულ დამშვეულთ. საქართველოს რევკომი ამითაც არ დაკმაყოფილდა და განსაკუთრებით რეპრესიებს მიმართა. 3,000-ზე მეტი მოწინავე მუშა, გლეხი და ინტელიგენტი ჩეკის სარდაფში და ციხეებში ჩაყარეს, რკინის-გზელები და საერთო ქართველი მოხელეები ათასობით რუსეთში გადასახლეს და მათ მაგიერ უცხოელები მოიყვანეს.

ამასთანავე ბოლშევიკების მიერ მოწყობილი ბანდები ერთი საარჩევნო კრებიდან მეორეზე მიდიან, ძალადობას ხმარობენ და არჩევნებში მონაწილეობას იღებენ.

ყველა ამის გამო ქართველი მუშები და გლეხები იძულებული არიან ბოიკოტი გამოუცხადონ არჩევნებს და დასტოვონ საარჩევნო კრებები. ბოლშევიკები ქარხნის კარებს კეტენ, რომ მუშებს წასვლის საშვალება არ მისცენ და ძალით აარჩევიონ ბოლშევიკების კანდიდატი, მაგრამ ვერას ხდებიან. მაგალითათ 500 ამრჩევილიდან კომუნისტების კანდიდატებს მხოლოდ 8-10 ხმა მოუვიდა, და ეს ხმებიც მუშების არ იყო. მიუხედავათ ამისა, ასეთ კანდიდატს არჩეულათ აცხადებენ და პროლეტარიატის წარმომადგენლათ სთვლიან.

ეს ცოტაა, საოკუპაციო ჯარებიც ირჩევენ თავის წარმომადგენელს საქართველოს საბჭოებში და მათ საქართველოს წითელი არმიის წარმომადგენლათ ასაღებენ.

ღიას, ქართველი მუშები და გლეხები ასეთ არჩევნებს ბოიკოტს უცხადებენ?

უცხოეთი.

კომინტერნი და „ევითელი ინტერნაციონალი“.

ბოლშევიკები ცნობილი არიან თავისი გამთიშველობით, მათი ყოველგან განხეთქილება შექონდათ და შეაქვეთ მუშათა კლასში. მოსკოვის მიერ დაარსებულმა მესამე ინტერნაციონალმა თავის მოქმედების ერთ-მთავარ მიზნათ მუშათა კლასის ძველი ორგანიზაციის დაშლა დაისახა. ვინც კომინტერნაში არ შევიდა, ვინც ლენინი არ იწამა «უცოდველ პაპათ», ბოლშევიკებმა ყველა ისინი კონტრ-რევოლიუციონერებათა და სოციალ-გამციდველებათ გამოაცხადეს. ასევე მოექცენ ამსტერდამის ინტერნაციონალსაც, რომელიც 20 მილიონ მუშებზე მეტს აერთებს პროკავშირების სახით და რომელსაც ხელმძღვანელობენ მუშათა მოძრაობის ცნობილი მუშაკნი.

და აი დღეს, მოსკოვმა, როცა მას ეს დასჯირდა, მიმართა მუშათა კლასის «მოლალატეთ» «ყვითელ ინტერნაციონალს». და მიმართა მუშათა კლასის მთლიანობის დასაცავათ!

საქმე შემდეგშია: საფრანგეთის სინდიკატისტებში მოხდა განხეთქილება. შრომის გენერალურ კონფედერაციას გამოეცო რევოლიუციონური უმცირესობა და თავისი სიეზლი მოიწვია. იგი რასაკვირველია ბოლშევიკების წინააღმდეგ იც არის. ამის გამო წითელი პროფკავშირების ინტერნაციონალის სეკრეტარმა ლოზოვსკიმ მოსკოვიდან ამსტერდამის ინტერნაციონალის აღმასრულებელ კომიტეტის ბიუროს მიმართა შემდეგი დეკლარაცია: «საფრანგეთის შრომის გენერალურ კონფედერაციას განხეთქილება მოეღის. ეს განხეთქილება მოუტანს საფრანგეთის მუშათა კლასს დიდ ზარალს და შეასუსტებს მის ძალებს ბურჟუაზიის წინააღმდეგ ბრძოლაში. ჩვენ ვფიქრობთ, რომ განხეთქილება სასარგებლო იქნება მხოლოდ ბურჟუაზიისთვის და ამიტომ კომინტერნის აღმასრულებელი კომიტეტის ბიურო მოგმართავს წინადადებით მოწვეული იქნეს სპეციალური კონფერენცია, რომელზედაც დაესწრებიან ამსტერდამის ინტერნაციონალის წარმომადგენელნი, შრომის კონფედერაციის უმრავლესობისა და

უმცირესობის და კომინტერნის კონფერენციის მიზანი იქნება მთლიანობის დაცვა.

გთხოვთ საქართ გვაცნობოთ დრო და ადგილი კონფერენციისა. კომინტერნიდან დეკლარაციათ იქნებიან—ამს. როზმერი, ტომ მენი და ლოზოვსკი. სასურველია, რომ კონფერენცია მოწვეული იქნეს პირველ იანვრისთვის». ამსტერდამის ინტერ. აღმასრ. კომიტეტის ბიუროს მდივანმა დეკლარაციათ შემდეგი უპასუხა ლოზოვსკის: «თქვენი დეკლარაცია მივიღეთ. ის, რაც ხდება საფრანგეთში შედეგია მოსკოვის კომინტერნის პოლიტიკისა. დიდის სიხარულით უნდა აღვნიშნოთ, რომ ბოლოს თქვენც მიხვდით, რომ კომინტერნის პოლიტიკით მხოლოდ ბურჟუაზია რჩება მოგებაში. ვეცდები, რომ შრომის კონფედერაციის უმცირესობის კონგრესი გადადებული იქნეს. თუ ეს მოხერხდა, მაშინ 28 დეკემბერს ჩვენი ბიუროს სხდომაზე შევიტან წინადადებას იანვრისთვის სპეციალური კონფერენციის მოწვევის შესახებ».

სამწუხაროთ ლოზოვსკის წინადადება ვერ შესრულდა, რადგან «შრომის კონფედერაციის» უმცირესობამ უკვე მოიწვია კრილობა, თორემ ძლიერ საინტერესო იქნებოდა ის, თუ რას იტყოდენ მუშათა კლასის მოსკოველი დეზორგანიზატორები საფრ. მუშათა კლასის განხეთქილების შესახებ.

„კომინტერნის“ წინააღმდეგ.

მოსკოვის მიერ შექმნილმა მესამე კომუნისტურმა ინტერნაციონალმა ვერ შესძლო დასავლეთ ევროპის კომუნისტური პარტიების თავის გარშემო დარაზმვა. კი გარდა თითო-ორი მოსკიდულ პირისა, ზინოვიევის კომინტერნს დღეს ყველა შორდება. ჩამოშორდა: იტალიის სოციალისტური პარტია, გერმანიის მუშათა კომუნისტური პარტია, ჩეხ-სლოვაკიის კომუნისტები და სხვა. მაგრამ ეს პარტიები მართლაც ასეველით აღარ კმაყოფილდებიან და აქტიურ ბრძოლას იწყებენ მოსკოვის კომინტერნის წინააღმდეგ.

განეთების გადმოცემით გერმანიის მუშათა კომუნისტური პარტია შეუდგა «მეოთხე ინტერნაციონალის» დაარსებას. მასში შევლენ: გარდა გერმანელებისა, პოლანდიის კომუნისტები, ინგლისის, ბოლგარიის, ჩრდილო-სლავ-

პინმა, ვალკედმა, რომლის სიტყვა გადა-
თარგმნა ლედებურმა. მიტინგი დიდის ენტუზია-
ზმით შეეგება ორატორებს და მხურვალე ტა-
შით დააჯილდოვა.

მიტინგის შემდეგ ბიურომ კვლავ განაახლა
სხდომა, რომელზედაც გარჩეულ იქნა საგარეო
პოლიტიკის საკითხები და მიღებულ იქნა ამე-
რიკის შეერთ. შტატ. პრეზიდენტ ჰარდინგი-
სადმი მიმართვა, რომლითაც ბიურო მოითხოვს
ამერიკელ ცნობილ სოციალისტის ვებსის გან-
თავისუფლებას, რომელსაც 10 წლის ციხე აქვს
მისჯილი.

აღმოსავლეთ ევროპის ხალხთა კავშირი.

პოლიტიკური პარტიები და საზოგადოებრივი
ორგანიზაციები ახალ სახელმწიფოების, რომ-
ელნიც აღმოცენდნენ დაშლილი რუსეთის იმპე-
რიის ტერიტორიაზე, და რომელნიც აღიარებენ
ერთა და მხარეთა თვითგამორკვევის უფლებას,
და დამოუკიდებელ სახელმწიფოებრივ თვით-
არსებობას მიუხედავად ტერიტორიალური,
გეოგრაფიული და სხვა პირობისა, რომელნიც
საუკეთესო ფორმით სახელმწიფო წყობილებისა
თვლიან რესპუბლიკანურ ფორმას, როგორც
დემოკრატიული პრინციპების სრული განხორ-
ციელების საუკეთესო უზრუნველმყოფელს,
ადგენენ აღმოსავლეთ ევროპის ხალხთა კავშირს.

I. კავშირი მიზნათ ისახავს:

1) სოლიდარულ, აქტიურ ბრძოლას აღმო-
სავლეთ ევროპის ხალხთა განსათავისუფლებლათ
უცხოელ ოკუპანტების ძალაუფლებისაგან, და
სოლიდარულ ბრძოლას «ერთიანი და მთლიანი»
რუსეთის აღდგენის ყოველგვარ ცდის წინააღ-
მდეგ.

2) აღმოსავლეთ ევროპის ხალხთა სუვერენულ
და ეროვნულ უფლებების სოლიდარულ დაცვას
ყოველგვარი თავდასხმისაგან გარეშე სახელმწი-
ფოთა და ხალხთაგან.

3) კავშირი აუცილებლათ თვლის, დადებულ
იქნეს აღმოსავლეთის ხალხთა შორის ხელშე-
კრულება და კავშირი სამხედრო-თავდაცვითი,
ეკონომიური და სხვ. აღმოსავლეთ ევროპის
ხალხთა შორის, და ამ მხრივ გავლენას ახდენს
თავის ქვეყნის მთავრობებზე.

4) კავშირი იცავს სავალდებულო არბიტრა-
ჟის აუცილებლობას აღმოსავლეთ ევროპის
ხალხთა შორის ყველა სადაო კითხვების გადა-
საჭრელად.

5) კავშირი ებრძვის ყოველგვარ ცდას, რომ-
ელიც მიმართულია იქნეთყნ, რომ ეროვნულ-
ტერიტორიალური საკითხები გადაჭრილ იქნეს

ადგილობრივ მცხოვრებთა დაუკითხავთ და
მონაწილეობის მიუღებლათ.

6) კავშირი საქიროთ თვლის ეროვნულ უმ-
ციერესობათა საერთაშორისო დაცვის აუცილე-
ბლობას ყოველ სახელმწიფოში და აღიარებს
ამ უმციერესობათა უფლებას სრულ ნაციონა-
ლურ განვითარების სფეროში.

11. კავშირის წევრთ შეიძლება იყოს ყოვე-
ლი პოლიტიკური პარტია, და საზოგადოებრი-
ვი ორგანიზაცია აღმოსავლეთ ევროპის ხალხთა,
რომელიც სდგას კავშირის პლატფორმაზე თუ
მასში მოსვლის სურვილს განაცხადებს და მი-
ღებულ იქნება კავშირის საბჭოსაგან.

III. სახამ მოწვეულ იქნებოდეს კონფერენცია
აღმოსავლეთის ხალხთა პოლიტიკურ პარტიების
და საზოგადოებრივ ორგანიზაციების წარმო-
მადგენლების, ქვემო ხელის მომწერი პოლი-
ტიკური და საზოგადო მოღვაწენი: ბელორუ-
სის, საქართველოსი, ყუბანის, ლატვიის და
უკრაინის—ადგენენ საბჭოს, რომელიც ირჩევს
თითო ქვეყნის ხალხიდან ერთ წარმომადგენელს
ბიუროში. ამ უკანასკნელს ეძლევა კოორტაცი-
ის უფლება.

ბიუროს ვეალება აწარმოოს წინასწარი მო-
სამზადებელი სამუშაო აღმოსავლეთ ევროპის
ხალხთა კონფერენციის მოსაწვევით და კავში-
რის მიმდინარე მუშაობის გაძლოლა.

ამ კავშირს რომელშიც შედიან ზემო აღნი-
შნულ ქვეყნების გავლენიან პარტიათა ჯგუფე-
ბი, განზრახვა აქვს გამოსცეს ევროპაში თავის
ორგანო «აღმოსავლეთი ევროპა».

საპარლამენტო არჩევნები ბელგიაში.

ბელგიის საპარლამენტო არჩევნები დამთავრ-
და. სოციალისტებმა დაკარგეს 4 ადგილი, და
წინანდელი 70 დეპ. მაგიერ გაიყვანეს 66. ლი-
ბერალებმა შეირჩინეს ძველი პოზიციები 34
დეპ. კათოლიკებმა მოიგეს 8 ადგილი 73 მაგ.
81 დეპ. ყავთ, და წვრილმა ჯგუფებმა დაკარ-
გეს 4 ადგილი.

გარეგნული შეხედვით სოციალ-დემოკრატია
თითქოს დაუძლურდა ამ არჩევნებში. მაგრამ
თუ არსებითად ჩაუუკვირდებით საქმეს ეს ასე
არ არის. პირველ-ცოვლისა მისაღებია მხედვე-
ლობაში ის გარემოება, რომ წინანდელი არ-
ჩევნები განსაკუთრებით ხელსაყრელ პირობებ-
ში მოხდა სოციალისტური პარტიისთვის და
ახლა იმავე ხმის რაოდენობას სოციალისტები
აღარ მოვლოდენ, რადგან ახლა საერთო სუ-
ლოერი განწყობილება საზოგადოებაში თითქო
მათ წინააღმდეგ იყო მიმართული, ეგულა პარ-



ტიები დაჩაზმული და შეთანხმებული გამო-
დიოდენ სოციალისტების წინააღმდეგ და იმედი
ქონდათ 15-20 დეკუტატის შექმნისა მათ ხარჯ-
ზე. თვით სოციალისტებიც არ მოელოდენ დაუ-
მარცხებლათ გამოსვლას ამ ბრძოლიდან; მაგ-
რამ, არჩევნებმა დაგვანახვა, რომ მათ ხმები
საერთოდ ამ არჩევნებში რამდენიმეთ მეტი მი-
იღეს ვინემ წინეთ, 650,000-ს გადააჭარბეს და
თუ მაინც 4 მანდატი დაკარგეს, ეს იმიტომ,
რომ საერთოდ საარჩევნო ყუთებთან ახლა გ-
ცილებით მეტი ხალხი მივიდა, სჩანს ინდინფე-
რენტიულომა ბურჟუაზიულომა წრეებმა ახლა აქ-
ტივობა გამოიჩინეს, რომ სოციალისტებისთვის
უკან დაეხვივნებიათ. ამიტომ ჩვენი ბელგიელი
ამხანაგები სრულ მორალურ გამარჯვებათ
თვლიან იმ გარემოებას, რომ მათ წინანდელზე
მეტი ხმა მოუვიდათ.

რაც შეეხება კომუნისტებს ბელგიაში, მათ
სცადეს ლენინის ფულით და კარნახით საარ-
ჩევნო კომპანიის გაჩაღება, მაგრამ უსუსტიკისი
დამარცხება განიცადეს. სულ მოაგროვეს 2500
ხმა, ესე იგი 4 ჯერ ნაკლები, ვინემ ერთი დე-
კუტატის გასაცანათ იცო საჭირო.

სინდიკალისტ. მოძრაობა იტალიაში

ამას წინეთ მომხდარმა იტალიის სინდიკა-
ლისტთა წლიურმა კონგრესმა განიხილა კითხვა
—იტალიის სინდიკალისტურ მოძრაობის საერ-
თო მიმართულების შესახებ. კამათის ცენტრათ
იცო წამოყენებული საკითხი—თუ რომელ საერ-
თაშორისო გაერთიანებას უნდა ეკუთვნოდენ
იტალიის სინდიკალისტები, —ამსტერდამის სინ-
დიკალისტურ ინტერნაციონალს, თუ მოსკოვის
მიერ შექმნილ «წითელ ინტერნაციონალს»?

კამათის დროს ორატორები, ისეთებიც კი,
რომლებიც თავის თავს მესამე ინტერნაციონა-
ლის მომხრეებათ თვლიან, აშკარათ აღიარებ-
დენ, რომ არავითარი «წითელი ინტერნაციონა-
ლი» პროფკავშირებისა, სინამდვილეში არ არ-
სებობს და ცოველივე ლაპარაკი ასეთი «ინტერ-
ნაციონალის» შესახებ რეკლამისა და მოტყვი-
ლების მეტი არაფერიაო.

კონგრესმა 1.400,000 ხმის უმეტესობით
400,000 წინააღმდეგ უარყო მოსკოვის ცენტრ-
თან შეერთება და კიდევ ერთხელ დაამტკიცა
იტალიის სინდიკალისტების ამსტერდამის ინ-
ტერნაციონალისადმი ერთგულება.

რა ხდება საზოგადოებრივ საქართველოში

„კომუნისტური სახანა“

(წერილი მეტეხიდან)

შენ უკვე მიხვდი მკითხველო, რა საფანეზე-
დაც მექნება შენთან საუბარი. ასეთი საფანე-
ებით მოფენილია დღეს ჩვენი სამშობლო ჩვენი
გამაბედნიერებლების მიერ. ერთ ასეთ საფანეში,
ისტორიულ მეტეხში, მეც მხვდა წილად ბედ-
ნიერება ცხოვრებისა.

როცა მოსკოვმა საქართველო დაიპყრო და
ბათუმის ციხიდან ჩვენებური კომუნისტები გა-
ანთავისუფლა, ერთმა მათგანმა, არაქელა ოქუა-
შვილმა ასე აგვიწერა თავიანთი-მომავალი სა-
ტუსალო: ჩვენ სატუსალოები არ გვექნება, გვე-
ქნება გამასწორებელი სახლები. ამ სახლებში
შევქმნით ისეთ პირობებს, სადაც ცველა უზ-
რუნველყოფილი იქნება ფიზიკურად და სულიე-
რად. გავხსნით შიგ სახელოსნოებს, შკოლებს,
თეატრებს, ვაჟმეფთ, ვასმეფთ და ვასწავლით.
კარგათ მოვაწყობთ შიგნით სამკურნალო და
სანიტარიის საქმეს, ხოლო ამის გარდა ყველას
ექნება ნება კვირაში ერთჯერ მაინც წავიდეს
სახლში ერთი ღამით, რათა დასუფთავდეს, ტან-

ზე გამოიცვალოს, ცოლშვილთან გაათიოს და
მეორე დღიას დაბრუნდეს. დაუბრუნებლობი-
სათვის კი, სიკვდილით სასჯელი იქნება შემო-
ღებულიო.

ასეთ დაპირებებს იძლეოდენ ბათუმში გამარ-
ჯვებით დამთვრალი ჩვენი ერის მოღალატენი.
აქედან ერთი რამ ჯიუტად სრულდება დღესაც.
ეს გახლავს სახელწოდება სატუსალოებისა: ასეთ
სახლებს ცველგან დიდი ასობით აწერია «ის-
პრავდომ № ტაკოი-ტო», რა საკვირველია რუ-
სულათ. ასევე უწოდებენ მას ისინი როგორც
ლაპარაკში, აგრეთვე მიწერ-მოწერაში. აიძუ-
ლებენ ასე უწოდონ ტუსალებმაც. ჩვენ სატუ-
სალოები არა გვაქვს და არც ტუსალები გვცავს;
ჩვენ გვაქვს გამასწორებელი სახლები და შიგა
გვცავს გამასწორებელი ამხანაგებით», წარომით
გაუსწორებენ ხოლმე ციხეში მოსული კომუ-
ნისტი მოხელეები და სატუსალოს კომუნისტი
ადმინისტრატორები ტუსადს, რომელიც მათ
«ისპრავდომს» სატუსალოს უწოდებს და თავის-
თავს პატიმარს. ცველა დანახრენი დაპირებანი,
რასაკვირველია მოგონებათ დაჩაზ.

ავიღოთ მეტეხი. ეს ისტორიული ციხე-სიმა-



გრე, 14 საუკუნის განმავლობაში ერთგულ დარაჯად მდგომი ქართველთა დედა-ქალაქის თფილისისა, ასი წლის წინათ რომანოვებმა აქციეს სატუსალოთ. ბოლშევიკებმა ის ჯერ გაძარცვეს, წაიღეს რაც მოსახმარი იყო: ტუსალის ტანისამოსები, ლოგინები, კრაოტები, სკამები, მაგიდები, ჭურჭლები და სხვა. (ტუსალები, რასაკვირველია, ცველა გაუშვეს); ხოლო ორიოდ დღის შემდეგ დაუწყეს აქ შემორჩევა ცოცხელნიარ ხალხს; დაწმინდეს და უდაწმინდაშაულოს. ციხე გამოანგარიშებულია 300 კაციისათვის, ხოლო ბოლშევიკებს მუდამ ცავთ აქ 700-800 და ხან 900 კაციც. ახალ შემოსულს თვალში ეცემა ეზოში მდგომი, ან მიწაზე დაცრილი ტიტველი ხალხი; ჭუჭყიანი და მზისგან დამწვარი კანით, რომლებიც ლანდებივით გამოიყურებიან. რაშია საქმე? კითხულობს ვაოცებული ახალ მოსული.

საქმე იმაში გახლავთ, რომ «სოციალისტურ სამოთხეში» ტუსალთა კვების (ჩაცმა-დახურვაზე ლაპარაკი ზედმეტია) შესახებ შემოღებულია ძველი სპარსეთის კანონები, რაც იმაში გამოიხატება, რომ ტუსალზე ნაზინა არ ხარჯავდა არც ერთ კაპიკს. მისი კვეა მისი პატრონის საქმე იყო და თუ ასეთი არ ყოფდა, ან მაღლიანი ადამიანი არ გამოუწდებოდა, შიმშილით უნდა მომკვდარიყო. ასეა აქაც, მხოლოდ იმ განსხვავებით, რომ კომუნისტები ერთბაშით სიკვდილის ნებას არ აძლევენ და ამ მიზნით დაწესებული აქვთ ტუსალზე 1/2 გირ. პური და ერთი კოვზი ლობიოს, ან ტარანის ნახარში. აქედანაც ჩვეულებრივ თავის საყოფი უნდა მოიპაროს ვისაც ჯერარს და, ვაი მას ვისაც არა ცავს პატრონი და ყოველ დღე არ უზრდავს საზარდოს. ასეთები მეორე დღესვე შეუდგებიან ხოლმე ნაწილობრივ თავისი ტანისამოსის გაყიდვას. ბაზარი ამისათვის აქვეა: დაბალი ადმინისტრატორები და უფრო კი შექრთამეობაზე დაქვრილი კომუნისტი მოხელეები, რომლებიც აქ მუდამ ააობით ითვლება, არიან მყიდველებათ. გაქირვებაში ჩაფარნილი ტუსალი ოზრის ფასად აძლევს მათ ცველაფერს და აღებული ფულით აქვე, ციხის დუქანში იღულობს პურს. ასე ყიდის ის ცალკალკე ცველაფერს სანამ უკანასკნელ საცვლებს არ შიადგება. ჯერ კიდევ შერჩენილი სირცხვილის გრძობა აიძულებს საცოდავს გაყიდოს მარტო კე-

რანგი, ხოლო მისი ამხანაგი დაიტოვებს მხოლოდ ბედი გაუღიმებს ხოლმე; საღდაც იშოვნიან სახაზინო ძველ საბანს, შემოიხვევენ და მომამგრებენ მას წელზე წვრილი ბაწრით და ასე გაანთავისუფლებენ ძირა საცვალსაც, რომ ორიოდე გირვანქა მკაძი კიდევ შეიძინონ. «კომუნისტური ულუფის» სამარა, ტუსალი ნელნელა ხმება, თვალები უცივინდება, სახე აებურძგლება, კარგავს იმის უნარსაც კი, რომ ხელ-პირი და ფეხები დაიბანოს, მსხვილი ტალახი მაინც მოიშოროს ტანიდან. როცა ის ძვეალ-ტყავად ქცეული დიარება ლანდივით, უცბათ დიზიკურ კაბინეტებში მდგარი შეწყობილი ჩონჩხი მოაგონდება. დაბოდილობდენ ეს საცოდავები ციხის ეზოში, (საკნებში მათი ჩაკეტვა ველარ გაუბედავს ვერც კომუნისტების უგულო გულს) და ეღრიჭებიან ბედნიერ ტუსალებს ე. ი. იმათ ვისაც პატრონი რის ვაივაგლახით აწვდის გარედან ლუკმა პურს, უმთავრესად პოლიტიკურებს. სთხოვენ პურის ნატეხებს, ნამცეცებს, ეძებენ და ჭამენ ცელაფერს რასაც ნახვენ ეზოში, სანაგვე ცუთებში, ფეხის ადგილებში.

როცა ჩვენ, ერთი ჯგუფი პოლიტიკური ტუსალებისა პირველად მოგვიცვანეს ამ ციხეში, საღამო იყო, ტუსალები უკვე ჩაკეტილი იყვნენ. დილას ადრე გავხსენით პარკები და ვისაუზნებთ. გამოვხვეტეთ საკანი და რადგან ნაგვის გასატანი ჭურჭელი ჯერ არ მოცათ, იტყე ახლოს ფეხის ადგილში შევხვეტეთ. ამ დროს დერეფანში უკვე იდგენ ნახევრათ ტიტველნი ტუსალები და გვთხოვდენ პურის ნატეხს. ბევრმა მათგანმა მიიღო მოლოდინზე მეტიც, მაგრამ დერეფანში მათი რიცხვი უფრო და უფრო მატულობდა: როგორც კი აქედან პურის ჭამით გასულს შეხედავდენ, ეზოდან ცველა ჩვენი საკანისკენ გამოობოდა. როცა მათ დაინახეს, რომ ფეხის ადგილში ნაგავი შეაარეს, რასაც ბევრი წითელი ბოლოკის ტოთლები, კიტრის ნათლები და სხვა ნაფხვენები გაჰყა, გამგლებული მიცივიდენ და დაუწყეს ამოკრება ყველაფერს, გლეჯდენ ხელიდან ერთი მეორეს, არ ერიდებოდნენ, რომ დასვრილი იყო, იტენიდენ პირში და ცდილობდენ ახალ ლუკმის შოვნას, რის გამო ერთი მეორე წაქეღეს ამ ბინძურ ადგილზე... ამის გამო ერთმა ამხანაგმა ველარ შეიმავრა ცრემლები. განვლო დრომ.



ყველანი რამოდენიმეთ მიეწივით ასეთ სურათებს, ყველას ნაკლებათ გვალეღვებს, როცა ეს ბეჩავი ხალხი დაქეთარობს ეზოში, ქეჩავს ნაგავს და გახარებული იტენის პირში, როცა იპოვნის საწამთროს ან ნესვის ნათალას.

ასეთ პირობებში ავადმყოფობა აუცილებელია. ძვირათაა მათ შორის ჯანმრთელი. ხშირია ფეხებ დასიებული, ტან-დამუწუკებული, დაჩირქებული, ცოცხლად აცროლებული, საშინელი სანახავია და კვდიბან ისევე უწამლოდ, როგორც უჭმელობით. საავადმყოფო მეორე ციხეში—ორთაქალაშია, მაგრამ ვის ეღირსება იქ გადაყვანა. ჯერ საჭიროა ექიმის მოწმობა, რომ საავადმყოფო აუცილებელია (ამის ღირსად თვლიან მას, ვინც ფეხზე ვედარ დგება) მეორე ეს მოწმობა უნდა წავიდეს ჩეკაში, ხოლო სანამ იქიდან ნებართვა მოვა, მანამ ავადმყოფი უკვე კვდება სადმე საკანის კუთხეში, თუ რაიმე სასწაულის გამო მოჩენა ვერ მოასწრო. აქვთ აქ კმბულატორია, რადენიმე საწოლით, მაგრამ არავითარი წამლობა და არც გალიერებული ულუფა იქ არაა. იქ თუ წვება ვინმე, მხოლოდ იმისათვის, რომ ტახტი და თივის ლებია, სხვა არაფერი. ხშირად იქ დაკეტულში ყრია ავადმყოფები ისე რომ წყლის მიმწოდებელიც არა ყავთ. ამას წინათ ერთი რკინის-გზელი კონდუქტორი გორბაჩენკო ისე მოკვდარიყო, რომ არც კი გაუგიათ. მხოლოდ მეორე დილას, როცა ტუსალები პირის დასაბანად გამოვიდენ, შეიხედეს ფანჯარაში და დაინახეს საცოდავი ადამიანი მკვდარი, რომელსაც თავი გადაკიდებოდა საწოლიდან...

ამ დასაწყლებულ ხალხს იმის უნარიც აღარ აქვთ, რომ თავი მოიკლან. მხოლოდ ერთი შემთხვევა იყო ასეთი. ტიტველ-მშიერი, არაქათ გამოლეული ტუსადი ზედამხედველის ბრძანებით და თანხლებით ნაგავს ყრიდა მტკვარში მეტეხის თვალ-უწვდენელი სიმალიდან; მან ნაგავი ჭურჭლიანად გადააგდო კლდეზე და თვითონაც თან გადაჰყვა. დარაჯებმა სროლა აუტეხეს ჰაერში სწრაფად ძირს მიმფრინავ ტუსადს, მაგრამ რა საჭირო იყო: ამ სიმალიდან ფრინველი რომ გადააგდო, ის არ გადაჩება.

შიმშილის გარდა ავადმყოფობას ხელს უწყობს წარმოუდგენელი ანტი-სანიტარული მდგომარეობა. პირველ ხანებში აბანოსაც კი

არ აღევდენ, თუმცა ასეთი არსებობს ციხეში. შენდევ, როცა პოლიტიკურები მომრავლდენ, ადმინისტრაცია დაითანხმეს, რომ ხანგაშოვებით მაინც აბანო გაათბონ, მაგრამ იმითაც მხოლოდ «მდიდრები» სარგებლობენ, ესე იგი ისინი, ვისაც შეუძლია საპონი თვითონ შეიძინოს. ამავე დროს დემოკლეს მახვილივით თავს დაგვტრიალებს ეპიდემიური ავადმყოფობანი. ხოლერამ თავისი წაიღო და წავიდა. სამაგიეროთ წამთარში მოსალოდნელია ტიფი, რისთვისაც არავინ არ ზრუნავს.

აი ასეთ პირობებში კომუნისტებმა მართლა გამართეს აქ შკოლა და თეატრი, მისთვის აცდენენ ორ დიდ დარბაზს მაშინ, როცა საკნებში ტუსალები თევზებივით არიან მიწყობილი ერთი-მეორეზე. სწავლის მსურველი ყველა და მილიან კიდევ შკოლაში ახლად მიყვანილი ტუსალები, ხოლო ივლიან მანამ, სანამ უკანასკნელ სამოსს გაჰკიდის ლუკმა პურისათვის. შემდეგ კი სწავლისთვის არ სცხელა; შიმშილს უნდა ებრძოლოს, ნავის ყუთებს უდარაჯოს, ეზოში გამვლელთ მოწვალებისთვის ვლრჩუოს.

ასეთია მეტეხის სავანე. მიუხედავად ამისა ტუსალები ციხეს სასტუმროს ეძახიან, ზოგი კიდევ აგარაკს და ეს იმიტომ, რომ სხვა ციხეებში კიდევ უარესი ჯოჯოხეთია. მეტეხის ყველა მცხოვრებთ გავლილი აქვთ წინასწარ ჩეკას «სამოთხე» საიდანაც მოსულს, რომ ეს ჯოჯოხეთი მართლა აგარაკათ ეჩვენოს, საკვირველი არაა. შენ არ შეგიძლია მკითხველო წარმოიდგინო ის საშინელება, რასაც ჩეკა-სატუსალო წარმოადგენს, ამის სურათს ვერ აგიწერ მე, და ვერც ვერავინ. ჩეკას უზარ-მაზარი შენობიდან ტუსალებისათვის მხოლოდ სარდაფებია ჩვეულებრივი კამერები. კარგ კამერებად წოდებული, ნახევრად მიწაშია, მასში სინათლე ჩადის ფანჯრებიდან, რომლებიც მიწის სწორაა გარედან. ამ სარდაფ ქვეშ არის კიდევ სხვა სარდაფი, სადაც არის მეორე ნახევარი საკნებისა და სადაც არსაიდან სინათლე არ ჩადის. იატაკი მიწისაა და ისეთი ნოტიო, რომ რამოდენიმე საათის განმავლობაში შინელს ალაპბულებს. თვით ზედა სარდაფშიდაც მიწისკენ მყოფი კედელი სულ სოველია, ხოლო შიგნითა კედლებიც საკმაოდ ნოტიოა. რაღა იქნება ამის ქვეშ მყოფ ჯურღმულში! დასაწოლათ არის შიგ დაყრილი რამდენიმე ღერი ფიცარი, მაგ-



რამ ის ყოველთვის არარის საყოფი. ამას ემატება ისიც, რომ საიდნაც გამოდიან შიგ აუარებელი ვირთხები, რომლებსაც იერიში მიჰქვს ბნელში მყოფ ადამიანზე. დაღამება-გათენებას აქ გებულობენ მხოლოდ ელექტრონის საშუალებით. როცა მას საღამოს ანთებენ და გათენებისას აქრობენ.

აი ამ ჯურღმულში ამყოფებენ ტუსალებს მთელ კვირებს და ხან კი თვეებსაც და რა გასაკვირალია თუ იქიდგან მოსულს მეტეხი აგარაკად ეჩვენოს. ის კი არა, როცა აქედან ვისმეს ზედა სარდაფში ამოიყვანენ, გონია სამოთხეში ამოვედიო, თუმცა ეს სამოთხე საკმაოდ სველია, შიგ ჰაერი საკმაოდ დახუთულია და ტუსალები ერთი მეორეზე მიწყობილი არიან. საკანში, რომელიც შეიცავს ოთხი ხუთი კუბ. საყენ ჰაერს, ათავსებენ 15-30 კაცამდე. კამერები მუდამ დაკლიტულია, ფეხის ადგილში გაყავთ თითო-თითოდ და თუ გაითვალისწინებთ, რომ თითო დერეფანში, სადაც 6-8-მდე საკანია და 100-150 ტუსალი, მხოლოდ ერთი მორიგე ზედამხედველია, ადვილი წარმოსადგენია თუ როგორ კმაყოფილდება ეს ბუნებრივი მოთხოვნილების საკითხი. ამის გამოა, რომ ზედა სარდაფიდან მოთმინება დაკარგული ტუსალები ფანჯარაში აქცევენ ხოლმე, ხოლო ჯურღმულში მყოფნი იქვე მიწის იატაკზე, რის გამო ირგვლივ მუდამ სიბინძურე და შმორის სუნია. «სასიერნოთ» დაჰყავთ 5-10 წუთი საღამოს და ასევე დილას გარეთ გასავალად და პირის დასაბანად. ახლა მოპყრობა. მხოლოდ საკატორღო ციხეებში იყო ნიკოლოზის დროს ასეთი ენა. საერთოდ კი ნიკოლოზის ჯალათები ჩეკას კომენდანტებისა, ზედამხედველებისა და ჯარის კაცებთან შედარებით ზრდილობიან იმერლებათ მოგვიჩვენება. უსმენ მათ ლანძღვა-გინებას და დაცინვას და გვიკვირს: რით, რა მანქანებით შესძლეს ამ ხალხის ასე გარყვნა, გაპირუტყვება და გაბოროტება. ჯარის კაცები აქ შერჩეულია, საგანგებო რაზმი ჩეკას განკარგულებაში. ეს რაზმიც და საერთოდ ჩეკას მოსამსახურენი სულ უტხოვლებია. ქართული ენა და მიწერ-მოწერა აქ უარ-ყოფილია, მასხარად აგდებულია. ტუსალმა რომ ქართულად განცხადება დასწეროს, თავმჯდომარის ნახვა მინდაო, კომენდანტი დახვეს, ცვირ-პირში მიაცირის და თან დამტყრეული რუსულით ეტყვის:

«ჩვენ დაწესებულებაში ამ ძალდებუნაზე არავინ ლკპარაკობს»...

ეველა ამას დაუმატეთ ის წენობრივი ფიზიკური ტანჯვა-ვაება, რასაც ჩეკას სარდაფებში მყოფნი განიცდიან თითქმის მუდამ ღამე დასახვრეტად ტუსალთა გაყვანის დროს. ტუსალები მიეჩვიენ საბედისწერო ხმას საბარგო ავტომობილისას, რომლითაც მიყავთ დასახვრეტი ხალხი წინასწარ გათხრილ სასაფლაოზე მინდორში, ქალაქ გარეთ. როცა ეს ავტომობილი მობრუნდება ეზოში და ბრიგინობს თავისი მატარით ღამის 1-2 საათზე, ეს უკვე ნიშანია, მსხვერპლს უცდის. ჰო, რა საშინელებაა, რა ჯოჯოხეთია ამ დროს ეს ქვეყანას მოწყვეტილი სარდაფები! როგორი ტანჯული, გაფითრებული და სასოწარკვეთილი სახით მიჩურვებიან ერთმანეთს მისი მცხოვრებნი, ავტომობილის ხმაზე რომ დანახოთ დაფეთებული თვალები!.. ჯერ ეველანი იმის ნატყრავია—«მე არ მომიწყვედეს, მე არ გამომიახებდენო», ხოლო როცა ეს ირკვევა და პირუტყული ინსტიქტი თვით გადარჩენისა გაივლის, მიმავალ მსხვერპლის ღრიალი აღვიძებს მასში ადამიანურ გრძნობას და ეშლება ნერვები ამ სანახაობით, მაგრამ არ შიუძლია უშველოს რამე საცოდავს, იქნება სრულიად უდანაშაულოს. მისთვის ხომ არ უკითხავს. მას ხომ სასამართლოში არ დაუძახეს, არც კი იცის როდის და როგორ გადაუწყვიტეს, იცის მხოლოდ, რომ მიყავთ დასახვრეტად... ღრიალებენ, ითხოვენ სამართალს, ხოლო ჯალათები დაცინიან; თუ ავთმყოფია, ან კოჭლობს, «ჩქარა მოგარჩენო», ეუბნებიან... მეორე დღეს ტუსალები ზედაყენ, რომელიმე კომენდანტის, ზედამხედველის ან რაზმის წევრთა ტანზე წაყვანილ მსხვერპლთა ტანსაცმელს, ქუდს, ჩექმებს...

ასე მეორდება ეს საშინელი სურათები დღიდან მოსკოვის აქ გაბატონებისა: გაყავთ ჯგუფობით 5, 10, 20, და ხან 50 კაციც. იყო შემთხვევა, როცა 64 კაცი გაიყვანეს ერთად. არავინ იცის როდის გათავდება, ვინ გადაურჩება. გადარჩენილებიც ხომ ცოცხალ-მკვდრებია; ხშირად გამოუძახებენ ამა თუ იმ ტუსალს, გაიყვანებენ ავტომობილამდის და მოაბრუნებენ. იყო შემთხვევა, როცა წაიყვანეს სასაფლაოზედაც, აყურებიეს სხვების დახვრეტას და მოიყვანეს უკან, შეავადეს სარდაფში უსიტყვოთ. ამით ეს ჯოჯოხეთის ავენტები ორ კურდღელს იქერენ: ვისაც არ ხვრეტენ, მათაც სტანჯავენ, ხოლო ვისიც დახვრეტა უნდათ, მას უკარგვენ სურვი-



ლს წინააღმდეგობისას და გაქცევის ცდისას, ვინაიდან არავინ იცის, მართლა ხვრეტენ თუ არა, სანამ არ მოხდებდა ტყვია და არ გადაწყდებენ მას პირდაღებულ ორმოში. ამის გამო, რომ წინააღმდეგობას იშვიათი აქვს აღგალი.

აბა მკითხველო, როგორ არ მოეჩვენება აქედან მოსულს აგარაკად ჩვენი მეტეხი: აქ რომ მოვიდვართ, გვგონია ვაგვიშვეს, თავისუფალი ვართო, ისე ამოვისუნთქებთ ხოლმე განსაკუთრებით პირველ დღეებში, პირველათ ჩეკიდან მოსულ ტუსაღს ვერც კი დაუჯერებია, სიზმარში გონია თავი...

მეტეხს სასტუმროს უძახიან თფილისში მეორე დიდი ციხის ორთაქალის ტუსაღებიც. ნიკოლოზის დროის შეძენილი გამოცდილების წყალობით ამ დღეებში იქიდან მივიდეთ ერთი ამხანაგის წერილი, სადაც სხვათა შორის გვწერდა: ... ჩვენ აქ ცივი წყალიც სანატრელი გვაქვს. უკვე სიცივეები დაიწყო და ვკრივართ იატაკზე თანჯრებ ჩამტვრეულ საკნებში, იატაკი კი ცემენტისაა. ავად გახდები და იმედი არ უნდა გქონდეს საავადმყოფოსი; წამლობას თავი დაანებე, საჭმელსაც არ გაძღვევენ, ჩვეულებრივი «კომუნისტური ულუფა» არის იქაც და მეტოხათერი. პირდაპირ ომი გვაქვს სიკვდილთან, ომი უთანასწორო და მსხვერპლიც დღითი დღე მატულობს. ერთი ვირის ტაჩკა აქვსთ სვეციკლურათ ამ საქმისათვის და ძლივ უდის. ეჭ, ისევე ჩვენი ვირი. მხოლოდ ამ პირუტყვს აქვს შეგნებული თავისი მოვალეობა: მუდამ მზათაა, გაბმულია; წაიდებს ერთს, დატოვებს სასაფლაოზე და მოდის დაღონებული, თითქო ტირისო (არავინ იცის მხოლოდ ხალხს სტირის თუ თავის ჯანს); მოვა საავადმყოფოს კარებთან, მოაბრუნებს «ტაჩკას» და შემოსძახებს თავისებურ მაღალ ხმაზე, ორთაქალის ჰანგებზე, თითქო მსახურთ უძახის—გამოიტანეთ ვისიც რიგიაო, ან იქნებ ტუსაღებს ამხნევებს, —ნუ გეშინიათ, არც თქვენ დაგტოვებთო.

ვირი მანც უყვარსთ ტუსაღებს და ნატრობენ: ნეტა საავადმყოფოს ქონდეს ასე შეგნებული თავის დანიშნულება, მშინ საწყალ ვირსაც ნაკლები ჯაფა ექნებოდაო.

აი მკითხველო, ასეთია ჩვენი «კომუნისტური სავანენი» ასე ასრულებენ კომუნისტები ყველა დეკლარაციებს.

5 ოქტომბერი 1921 წ.
მეტეხის ციხე, თფილისი.

გაუთებელი.

ცნობები სამეგრელოდან.

(საკ. კორესპოდენ.)

ორ ოქტომბერს მოხდა ქ. ახალ-სენაკის და თეკლათის საზოგადოების მომხმარებელ საზოგადოება «კოოპერატივ ნდობის» წევრების წლიური კრება ანგარიშების განსახილავად. კრებამ ძველი გამგეობის (სოც.-დემ.) მუშაობა მოიწონა და ანგარიშები ერთხმად დაამტკიცა. ახალი გამგეობის არჩევნების დროს ბოლშევიკებმა მოინდომეს თავისი კანდიდატების გაცენა გამგეობაში და კიდევაც დაასახელეს კანდიდატებათ თავიანთი «მძიმე არტილერიის» შემადგენლობა; მაგრამ დახე მათ უბედურებას სანაზრო «ჩეკის», რევკომის და «პრტკომის» წევრები ხალხმა გააშავა და ერთხმად აირჩია გამგეობაში სოც.-დემოკრატიების კანდიდატები.

გეჯეთის თემში (სენაკის მაზ.) ბოლშევიკების შემოსვლისთანავე ადგილობრივმა (რევკომმა) ჩამოართვა ხალხს «კოოპერატივი» და თავის საწლობათ გამოაცხადა. (ასეთ მაგალითებს ჰქონდა ადგილი სენაკის და ზუგდიდის მაზრის თემებში ეკის, ხორშის, გეჯეთის და სხვა თემებში). ექვსი თვის განმავლობაში ბოლშევიკების ხელში «კოოპერატივის» ქონება გაიფლანგა, იმავე დროს მოსამსახურეებს 5 თვის შრომის ჯილდო ერთი კაპეიკი არ მისცეს და ისე იმსახურეს. მოთმინებიდან გამოსულ მოსამსახურეებმა რევკომს შრომის ჯილდო მოსთხოვა. «კოოპერატივის» ქონება უკვე გაფლანგული იყო, მოიწვიეს დავიკებული წევრების კრება ექვსი თვის შემდეგ ორ ოქტომბერს და გამოუტყდადეს; ჩაიბარეთ გაცალიერებული «კოოპერატივი» და მოსამსახურეებიც დააკმალოფილეთ ჯამაგირითო. კრებამ განაცხადა: ქონება და ფული თქვენ შეუკამეთ, თქვენ ჩამოგვართვით კოოპერატივი და თქვენ იმსახურეთ მოსამსახურენი და თქვენვე გაისტუმრეთო. ამის გამო დაიჭირეს სამი სოც.-დემოკრატი და ორი უბრალო მიწის მუშა და თავი უკრეს სანაზრო «ჩეკის» ბნელ-ნესტიან სარდაფში. ხალხმა კი აღელვებული დასტოვა კრება და განაცხადა: შემდეგში არ მოვალთ კრებაზეო.

სენაკის მაზრის მუშა-მოსამსახურენი საშინელ გაჭირვებას განიცდიან. თვიური ჯამაგირი 18—40 ათას მანეთს არ აღემატება და ეს მა-

შინ როდესაც ბაზარზე მუადის ფეკილი 100,000 მანეთია. ჯამაგირს თავის დროზე ვერ ღებულა, ამავე დროს სამახურის თავის დანება შეუძლებელია. ამისთვის როგორც «საბოტაჟნიკს» და «კონტრ-რევოლიუციონერს» დაგსჯიან.

ვინც კონტრიბუცია არ გადაიხადა «ჩეკის» სარდაუში ამოაღოთ თავი. გაქვირებული ხალხი, რომელთაც რუსის წითელმა ჯარებმა წაართვა ყველაფერი, კონტრიბუციას ვერ იხდის. აკრეფილი ფული უკანტროლოთ იხარჯება და უცხოელების ჯარს ხმარდება. რაოდენობა გადასახადის უდრის 450 მილიონ მანეთს. ამას გარდა შემოსვლისას 30 მილიონი მან. უკვე გადაადვიინეს მაწარის მცხოვრებლებს და ეს მანეთი, როცა გაძვალტკავებული ხალხი შიმშილით სულს დაფავს.

სამეგრელოში დიდი გვალვების შემდეგ ეკენისთვის შუა რიცხვებიდან საშინელი წვიმებია და თან სიცივე. ნათესი ნაგვიანები იყო, წვიმებმა და სიცივემ კი სრულიად გაანადგურა. სამეგრელოში საშინელ შიმშილობას განიცადის ეხლავე ხალხი, მომავალი პრესპექტივები კიდევ უარესია. ხსნა არსაიდან არის. ადგილობრივი რეკომი პირდაპირ დასცინის ხალხს «კოტა ჭამეთ და დაეხმარეთ დამშეულ რუსეთს, რომელმაც გიხსნათ მენშევიკების ბატონობისაგან». ამავე დროს შეუდგენ სასურსათო გადასახადის კომპანიას. ხალხი ძლიერ უკმაყოფილოა და სულს დაფავს ამდენ გადასახადებში.

სამეგრელოში ეჩაღობა თანდათან მატულობს. გადავარდნილი ეჩაღები თითქმის ეველა «კომუნისტების» პარტიის წევრები, მილიციონერები და რეკომის ეოფილი წევრებია. ადმინისტრაცია უძღურია მათთან ბრძოლაში.

სამეგრელო თითქმის მოწყვეტილია ცენტრიდან, რკინის-გზით მიმოსვლა ძლიერ შეფერხებულია და თან ძლიერ ძვირია გზავრობა. სენაკიდან თფილისამდის ბილეთი ღირს 76,000 მან. პირველ ხანებში რეკომს მოსდიოდა გაზეთები და ქუჩებზე აკრავდენ, ხოლო მათი გაზეთის უმეტესობა რუსულ ენაზე იყო დაწერილი, შიგ მხოლოდ საქართველოს დემოკრატიულ მთავრობის და მენშევიკების გინების მეტი არაფერი იყო, სხვა ცნობებს კი გაზეთებში ვერ ნახავდით. ხალხი ყურადღებას არ აქ-

ცევდა და არც კი კითხულობდა მათ. ამის გამო ბოლშევიკებმაც მიატოვეს გაზეთების ქუჩებში გამოკვრა. პროვინცია მოწყვეტილია ეველაფერს და რა ხდება საერთოთ ქვეყანაზე ხალხმა არ იცის. შავი ზღვის რკინის-გზაზე მოძრაობა შეწყდა. ეტლები და დილიჩენები საღაც გაჰქრენ, ვაჭრობა-მრეწველობა მოისპო. ცოცხალი, მოძრავი სამეგრელო სასაფლავს დაემგავსა.

სკოლებში სწავლა ჯერ კიდევ არ დაწყებულია. რუსის ჯარებისგან სკოლები სრულიად გაპარტახებულია, მის შეკეთებაზე არავინ ზრუნავს. ქართული სახელმძღვანელო წიგნების გამომცემლობა არ არსებობს. რვეულები, საწერ-კალამი და სხვა სახელმძღვანელოები არ იშოვება.

ახალ-სენაკში რუსის ჯარის ერთი პოლკი სდგას. რომელთა რაოდენობა არ აღემატება 500 კაცს. ისინი სოფლებს აწუხებენ. ხშირია ქურდობა.

ხალხის სულიერი განწყობილება ანტი-ბოლშევიკურია. აღსანიშნავია აგრეთვე ერთი გარემოება, წინეთთუ ხალხში რუსეთს კიდევ ჰქონდა სიმპატია, ეხლა მან სრულიად დაჰკარგა ყოველგვარი ნდობა და პატივისცემა. კომუნისტები გამდიდრებას პირდებიან ეველას, ვინც კი ჩაეწერება მათ პარტიაში, ეოველგვარი ბეგარისაგან და გადასახადებისაგან ანთავისუფლებენ მათ, აგრეთვე სურსათს, ტანსაცმელს პირდებიან სხვის ხარჯზე, მაგრამ მათ პარტიაში გარდა ქურდ-ეჩაღებისა და ზნეობრივად გაბრწილებისა, არავინ ეწერება. ხალხი ქართველ ბოლშევიკებს ეველას სამშობლოს გამციდველებს ეძახის, ეხლა ბოლშევიკებიც კარგად გრძნობენ თავიანთ მდგომარეობას, მაგრამ რა ქნან არ იციან. სამეგრელოში ბოლშევიკები თითზე ჩამოსათვლელი არიან და ისინიც თანდათან ქრებიან. პირიქით სოც.-დემ. პარტიის სიეგარული ხალხში ძლიერ დიდია და დღითიდღე იზრდება. ასეთი გავლენა სოც.-დემ. პარტიას სამეგრელოში, როგორც მას დღეს აქვს, თავის დღეში არ ჰქონია. ხალხი ამას ეოველფების ნაბიჯზე ამტკიცებს; კრებებზე, მიტინგებზე, არჩევნებში, დატუსაღებულ სოც.-დემოკრატების დახმარებაში და სხვა მხრივ. აგრეთვე ძლიერ თვალ-ეურს ადევნებს საზღვარგარეთ მყოფ ამხანაგების მუშაობას, დიდ იმედით შესცქერის მომავალს და სწამს, რომ სა-

F 1294/4
1922

ქართველო კვლავ აღადგენს თავის დამოუკიდებელ არსებობას.

რეპრესიები სამეგრელოში სოც.-დემ. წინააღმდეგ კიდევ უფრო გააძლიერეს. ბევრი ამხანაგი ტყეში იმალება, ბევრმა სხვა მაზრებს და ქალაქებს შეაფარა თავი, ზოგი კი ციხეებშია. დაჭერილ ამხანაგებს არავითარ ბრალდებას არ უყენებენ და არც ციხეში ჯდომის დროაქვე განსაზღვრული.

სამეგრელო, 7 ოქტ. 1921 წელი.

საქართველოს ამბები.

საბჭოების არჩევნები. დეკემბრის პირველ რიცხვებში დასრულდა თფილისისა და ბათუმის მუშათა, გლეხთა და წითელ არმიელთა დეპ. საბჭოების არჩევნები. როგორც წინა წლებში აღვნიშნეთ არჩევნები ჩატარდა სრული ბოლშევიკური ძალმომრეობით. არავის სიის წამოყენების ნებას არ აძლევდნენ გარდა კომუნისტებისა, ალაპარაკებდნენ მხოლოდ წინასწარ დანიშნულ ბოლშევიკ ორატორს და მერმე თითქმის აწვევით «ირჩევდნენ» თავის კანდიდატებს. ზოგან ბოლშევიკების კანდიდატები იღებდნენ 200 ხმიდან მხოლოდ 8-10 ხმას. ასე მოხდა მაგალითათ განათლების დარგში, სადაც ცნობილი უფროსი ხუტესი ბრიხნიჩევი და დღეს საქართველოს განათლების კომისარიატის კოლეგიის წევრი თავის ხელკეციტებს ეუბნებოდა—მე მომეცით ხმაო. მიუხედავათ იმისა, რომ აქ კომუნისტების კანდიდატებმა 17 ხმა მიიღეს, მაინც ისინი გამოაცხადეს არჩეულათ. ასევე მოხდა დაახლოებით სხვა დარგებშიაც.

გარდა სოც.-დემოკრატებისა არჩევნებს ბოიკოტი გამოუცხადეს სოც.-ფედერალისტებმა, სოც.-რევოლიუციონერებმა, «სხიველებმა» და ნაციონალ-დემოკრატებმა.

ბოიკოტი ბრწყინვალეთ ჩატარდა და შეიძლება გადაჭრით ითქვას, რომ გარდა თითო-ორი კომუნისტმოღალატისა და ლონტის ჯგუფისა, მასში ქართველ ხალხს მონაწილეობა არ მიუღია.

ლონტის ჯგუფს ბოლშევიკები წინაწინ შეუთანხმდნენ და თფილისის მუშათა საბჭოში ათი ადგილი მისცეს.

თფილისის მუშათა დეპუტატების საბჭოს თავმჯდომარეთ აირჩიეს ლ. დუმბაძე, ბათუმის — თ. ქლენტი. დაწერილებით შემდეგ ნომერში.

ლონტის ჯგუფი. ეს ჯგუფი თითქმის საგსებით გაბოლშევიკდა, იგი მემარცხენე ფედერალისტების სახელს ატარებს მიტომ, რომ ეს ფირმა დეკორაციისთვის ეყირებათ ბოლშევიკებს. ამის გამო ლონტს თანდათან აკლდება მომხრეები. უკანასკნელათ მას ვ. კოტეტიშვილიც ჩამოშორდა. თვით თელი ლონტი ამ ქამით მოსკოვშია. იგი ბოლშევიკებმა სხვებთან ერთათ გაგზავნეს საბჭოების ცრილობაზე.

სვანეთის გარშემო. სარწმუნო წყაროებიდან გვატყობინებენ, რომ ბოლშევიკებმა სვანეთის წინააღმდეგ ბრძოლა შეაჩერეს და ჯარებს იქით აღარ გზავნიან. აჯანყებულთ ძლიერ კარგათ უჭირავთ თავი და მტერს არ უშვებენ. სამეგრელოს კომუნისტური რაზმი, რომელიც სვანების წინააღმდეგ იყო გაგზავნილი, სად დაიკარგა არ იციან.

ძველი საქმეებისთვის. ოსეთის რევკომისა და ჩეკის მოთხოვნისგან საბჭოთა ხელისუფლება შეუდგა «გორის ამბების» გამოძიებას, რისთვისაც რამდენიმე კაცი უკვე დაატუსაღეს.

რეპრესიები სოფლათ. საქართველოდან გვატყობინებენ, რომ ბოლშევიკები «ბანდიტების» წინააღმდეგ ბრძოლის სახელით განაგრძობენ სოფლების აწიოკებას. გურიაში აიკლეს რამდენიმე სოფელი და გაქცეულთა ქონებას კონფისკაცია უცეს. სოფ. ხიდისთავში სახლიდან გააგდეს და მთელი ქონება ჩამოართვეს გურიაში ცნობილ ძველი რევოლიუციონერის და გვარდიის ყოფილ ხელმძღვანელის მათითაისშვილის დედ-მამას.

ფ. მახარაძე. საქართველოს ერის ცნობილი მოღალატე ფ. მახარაძე თავისი ცოლშვილით მოსკოვში გაუწვევიათ. ამბობენ, რომ იგი გადაასახლეს საქართველოდან პარტიაში ინტრიგის წარმოების გამო.

ახალი წიგნი. სტამბოლში დაიბეჭდა და გამოიცა ფრანგულ ენაზე ახალი წიგნი «ბოლშევიკების ახალი ბოროტება საქართველოში». წიგნი დაწერილებით არის აწერილი და დაქტებით დასაბუთებული თუ როგორ ახდენენ არჩევნებს ბოლშევიკები საქართველოში.

შეცდომის გასწორება. ჩვენი გაზეთის წინანომრის საქართველოს ამბებში დაიბეჭდა «სოვენარხონის შენობაში არაქელას მეთაურობით გამოცხადდა კომუნისტთა ჯგუფი», უნდა იყოს ავაქოვის მეთაურობით და სხვა.